

辛卯二燕
上

日記

八



辛卯五月辛丑朔

二十日前持平朴弼淳上疏曰臣於昨日適伏見自燕來綱鑑會纂繫以明史者卽康熙丙子年間朱璘所撰而載我朝事有璿系因極之誣為我東舍生之類驚駭痛迫當如何哉粵在朝累以此伸下於皇明至有會典昭雪之事則天下後世宜無此等文字而今此一書出於太學士朱璘之手禮部尚書兼管翰苑詹事張英為之序自為信史與草野之書有異而國系受誣尚如此極伸辨昭雪之道決不可一刻遲緩故臣不顧職名之有無不避瀆擾之為罪忙搆短章仰干宸嚴臣無任痛泣云々○傳曰朴弼淳付軍職入侍傳曰今聞朴弼淳之章茲事莫重不可不博問而處之明日崇政殿時原任備堂三司入侍

二十一日有陳奏副使之命以左尹牌出承入謝恩仍參會同坐○上御崇政殿時原任大臣備堂三司入侍命承旨讀朱璘所撰明紀輯略中我太祖被誣一段上曰為子孫見此罔極之凶誣而其中一字也子字之污蠱與大明會典所載後字尤有異焉若使此等冊子留在於天地之間則不孝極矣予何敢食息自安乎仍有減膳撤樂之命又教曰陳奏使宜即入送使是書之流布天下者火其書而毀其板然後予心可安仍教曰政官牌招陳奏使以原任大臣差出右議政金尚喆曰此事在皇明快辨已有宣廟光國之盛烈至若仁廟被誣即當予所伸辨而雍正準許及乎乾隆時皇明正史之刊印也前後誣辱之語一一刊正今此輯略非如國史不過草野一稗說其凶誣之

語雖極驚痛駭憤正史既出之後更無請辨之可言矣 上曰辨
誣雖無可論此等之書豈忍一任其流布乎此若仍置則其下
聖教無非不敢聞不忍言者而陳奏使不可不送為 教右相曰
顧今時原任無無故可往者專對任重非曰可堪 聖教如此臣
敢不請行以效萬一之勞乎 上曰卿既請往予當許之卿言可
感矣領議政金致仁曰臣與右相兩人外無可往之人矣 上曰
卿病纔愈雖義州亦難往矣左議政韓翼暮曰大臣若以數人差
送則臣亦豈不赴乎 傳曰嗚呼兩次辨誣後其誣快雪昭如日
星則今者此書誠千、萬、料表昨聞此書心骨俱戰而其中一
字戊子所無之字其曰正史已頒為誣快雪其何足道云則此嗣
君不孝今日在庭臣僚不忠也食肉寢皮之文於朱璘可謂準備

者此等文字雖得於燕市何敢粧橫尚今置之乎先處我國使臣
續當奏聞嗚呼三明日何得來之使臣儒臣削職之請其無倫理
臺臣遠竄之請雖勝於此嗚呼雖不能挺身赴燕買來朱璘之肉
皮為今日入侍三司焉敢不齊聲請討三司之臣雖云細故而若
此予何容默其時買來三使臣亟施荐棘之典今日入侍三司以
鄭象仁請律削職名曰陳奏使以頃者謝使下教者今日政官
牌拓開政舉行京盤纏嗚呼為先痛心之時何云八色譯官比前
三分減二商賈付色一切嚴禁其若視常例而不禁當該灣尹書
狀官當施重律兼色譯官暗付商賈即於灣上先梟示後狀聞事
分付使臣復命雖不可預待渡江然後可食可寢拜表日字今月
內擇日嗚呼今年萬古所無之事雖多豈意聞此事心戰骨戰歎

後語也自今日減膳撤樂朴弼淳此諸買來幾年藏置者霄壤不
侔特為加資口傳下批 傳曰右相請行其忠歎服既許只副使
書狀差出吏曹判書朴相德即席開政以尹東暹首擬副使沈頤
之首擬書狀官 上落點後 教曰粹潔矣皆好矣仍有舊邸舉
動之 命○禮曹啓曰拜表日今日官推擇則今五月二十七日
午時為吉云云 傳曰以此日舉行○左尹尹東暹牌招事下

教○傳曰此等同測之書著以圖署於今陳奏之時其先嚴問其
本而今已作故雖難憑問其子豈不知義城縣令徐命敏令該府
依鞫囚例拿來 徐命敏就拿後白放著圖署徐宗壁臺啓延奪使行先末後復官 ○午後 上御
彰義宮易安齋命三公兩館提學入侍弘文提學元仁孫同入藝
文提學蔡濟恭以情勢不入領相曰蔡濟恭曾遭文任改正之駁

若遽文任則奏文當製進云矣

命遽文任而使即應製上曰

拜表後幾日當渡濟乎右相曰發行一望庶可渡江矣上曰拜

表日有難親詣慕華館當上敦義門望見卿等之去矣○傳曰奏

文草及自現

明記輯略藏置者使之自現

見之然後當回駕政院知悉○午後

以左尹牌出承入謝

恩于彰義

行在上使定會同處所于長

興庫往叅暮罷

二十二日

傳曰當廣示奏文再昨崇政殿入侍諸備堂前文任

洪啓種南有容黃景源一體牌招與時原任所撰臣講磨焉○領相

奏曰使行時地部多有舉行之事而判書蔡濟恭以文字事奔走

亞堂有闕口傳差出何如

傳曰戶曹亞堂有闕代令該曹口傳

備擬待下批牌招察任吏曹口傳政事首擬戶曹叅判○傳曰拜

表日登敦義門望見政院知悉

二十三日戶叅落點下而牌出承入謝

恩于典設司門外

上以健元陵忌辰

出齋于典設司

○領右相請對

命讀奏文改本

奏文蔡濟恭製進而衆人纂改殆無完句云

上

曰好矣卿等先退即行黑草查對可也右相曰朱璘輯略之廣布有

未可知而今以徒手往彼若曰我國無此書爾國從何見之云則難

於為說不可不齋往一本矣上曰然矣依為之

明記輯畧之自現呈納者皆命洗草燒火故有是請

二十四日朝坐地部看品方物○傳曰明日德游堂封裏當御覽紙表筒外皆待令

二十五日早詣政府叅方物封裏○昨日入

啓軍官座目折衝

李光維通德郎尹光孚打角通德郎韓光敷也藥房入侍時都承

旨尹得養讀奏

上曰尹光孚誰也都承旨曰是副使之子也藥

房提調申晦曰揔戎使金孝大之婿而今年為進士矣

上曰然

乎已為進士乎夕入侍 命都承旨復讀軍官座目 上曰尹光
孚卿謂揔戎使之婿乎對曰臣則以副使子仰對而提調以揔戎
使婿仰對矣 上曰其年幾何對曰未能的知而似過三十矣
上曰若是多乎是後 筵中語間 聖教屢及於光孚是日有三
使臣軍官並以天翼入侍之 命光孚同諸人入侍于德游堂庭
上使軍官以次進伏承下 教後至副使軍官 上曰尹光孚先
為進前即為進伏 上命起立顧謂承旨曰貌類其父乎承旨林
鼎遠曰頗相類矣 上曰爾父年幾歲得爾乎對曰臣生之歲臣
父年三十四矣 上曰爾之兄弟幾人對曰四兄弟矣承旨曰尹
東暹有子四人而此其長子也 上曰爾之諸弟名何年幾以次
歷舉以對 上曰尹東暹福人矣爾何年八娶乎對曰丁丑年矣

上嗚咽曰丁丑年乎丁丑何月對曰正月矣 上曰然乎 慈聖必聞
知矣又 教曰今始思之爾妻戴髻入通明殿予見之矣 命內侍出
給弓矢曰爾既以軍官著天翼而入故有此賜也仍 命誦會試
試文光孚誦五行 命止之 教曰容貌類其父而聲音則異矣承
旨曰然矣 上曰爾與爾父今作萬里之行往還雖不過數月之間予
心則悵然矣予當賜爾臘劑仍 命書傳教曰今日軍官召見意蓋在也嗚呼
局尹光孚處賜臘劑仍 命書傳教曰今日軍官召見意蓋在也嗚呼
副使子弟軍官尹光孚以摠戎使金孝大壻於 慈聖從孫女壻丁丑正
月立長今日予懷萬倍之中愴心何抑令該曹待案即為錄用伸予
追慕之意書畢 上曰爾之回還時則當以進賜來矣尹東哲於爾為五
寸乎對曰然矣 上曰爾之五寸叔於此堂為承旨今爾於此堂

得承傳其亦異矣

命內侍出金鯢乾魚來

教曰金鯢為二貼

譯官與軍官均介雖一介納之囊中到彼後出而啖之思此老君

可也退出時

上謂承旨曰尹光孚安詳極佳可以必達矣次

命韓光叡進前

下詢其來歷仍

命誦致詞於

榻前而稱善

命書傳教曰今見故判書金始炯庶子故判書韓師得庶子豈特

故人子與予同在耆社者金尚選尚今思其父思其兄韓光叡其

亦然矣豈意今日一庭同見乎金尚選令銓曹相當窠待窠調用

韓光叡引儀取才云故試焉有才也亦令銓曹引儀待窠調用皆

懸註○傳曰今者陳奏為先追慕拜表時軒架鼓吹陳而不作事

分付○行次對

上曰今日

次對

欲見右相而為之但此時故辭

朝日將不得饋饌甚悵然矣

時減膳故也

又召入首譯李湛

下問使

事後退出○夕領相入侍 教曰今番使行八包既已除減而官銀將何以為之乎對曰恐不可專無也 上曰當給幾何對曰少不下萬兩而萬數猶多則當給八千乎 上曰依為之○時綱鑑會纂禁令至嚴士夫家所藏 命京兆盡為收入又 命五部遍行搜覓又令藏書者自現以此士子及冊僧有正法者受刑而竄配充軍者甚衆又嚴禁燕中書冊買來者又以李玄錫所撰明史綱目中有朱璘史斷載錄者人家所藏明史綱目亦令收納故家中所有明史綱目一帙即為送納于當部

二十七日晴早朝入 闕拜辭 上祇迎表奏文于延和門 命三使入侍仍 駕臨慕華館親送又 命三使入侍館中查對訖還宮三使出次弘濟院酬接賓客晡時發行五十里宿高陽○

是日早入 崇政殿庭下直 上出御延和門將祇迎表奏文大
臣以下於 崇政東西庭序立再拜訖余隨上使入殿中上使奉
奏文余奉表文出授承文官載黃亭三使臣隨之在庭百官隨後
至延和門前 上率 世孫祇迎百官隨表奏文出 命三使臣
入侍帳殿 上曰今送卿等雖是數三朔之間予心甚悵然予恃
卿等速為竣事而回又 教曰明史綱目之昨日来納者副使之
名亦在其中矣已 命京兆并為洗草今則在我國自處之義盡
矣卿等今去積誠懇請期於成事如或未準卿等伏於午門可也
上使對曰以臣無似充在上价惟恐不堪以 聖上至懇之誠寧
有不感格之理乎 上曰幾時當回上使曰時值三庚若無阻潦
則謹當不俟趨行且事在異國不可預料而豈其遲乎今則臣等

已將發行矣減膳之 命亟為還復千萬伏望 上曰已有成言
何可中改乎 命承旨進紙筆以 御筆書三紙以其一 賜上
使曰托心股肱使事順成還來好 慰予此意十六字又以其一
賜副使臣起而敬受開見乃順成本事慰予此心八字也又以其
一賜書狀曰莫云年少予曰得人 命上使讀奏訖又 命副使
讀奏書狀亦如之 上曰今番使臣極選也副使又有福子四人
云矣上使曰然矣 上曰上副使則當只有戀闕之心而書狀則
并有君親之戀矣 教曰凡事誠而已予將親出迎恩門見查對
卿等到彼亦言國王出郊親送云云可也即 命駕臨慕華館上
使曰今當遠離不勝下情之觖然惟望連進湯劑調護 聖躬酬
應 國事益寬 聖心焉當此盛暑郊外 動駕極為悶迫伏乞

還寢焉上曰予欲往不可止矣有賜物丹木白礬胡椒臘藥油芘而上使處加豹皮一領油芘豹皮前例外別賜也又命承傳色下教曰三使臣處封裹以院坐臘劑為之三使退出從敦義門出表文則從崇禮門出故尚未及京營前路也少待道傍隨表文到慕華館大駕至御正廳北向坐領相金致仁左相韓翼謩右相金尚喆左叅贊鄭弘淳右叅贊李景祐吏判朴相德戶判蔡濟恭禮判李思觀刑判沈鏞工判具善行承文提調金華鎮閏百興及副使書狀查對于上前訖復命三使臣入侍下教曰雖是數月後可回以予思之遠若三年須善往還回若於夢寐見予則自有相感之道矣今日臨此欲以盡吾誠之意也到彼後亦以此言于彼人聞彼人貴我國清心尤云當令應辦所製之

追送傳給于通官仍言予表意之意上使對曰臣等所幹既非難
事幾何不竣還乎藥院都提舉請進湯劑初命止之又教曰
有遠去之臣於其見處當進一貼矣仍進湯劑訖教于領相曰
卿等欲往別於弘濟院耶對曰隨駕還問安後欲出見矣三使
退出上即為還宮

奏文草

謹奏為事關先故敢暴至懇冀蒙矜許事竊照小邦恪守藩服世
受皇恩有叩必應無願不遂今臣有切骨之痛腐心之冤而徒
懷僭越之懼不思伸暴之愆則是自阻於仁覆之天也臣今始
得見聖祖仁皇帝丙子年間朱璘所撰明記輯略其中載臣
始祖臣康獻王諱譜系及臣四世祖臣莊穆王諱事蹟而謬悖

無倫污穢同極五內驚悼寧欲無生是書之成已七十餘年流傳小邦亦不知為何年而祗緣臣誠孝淺薄不能早自發覺登時陳籲此尤臣私切痛恨者也臣之先祖譜系及事蹟詳載於我皇上所頒降明史列傳中昭如日星百世可徵費辭申明今無所事而略陳本末豈容但已蓋康獻王譜系之誤書於明朝會典竊由於高麗末奸人等之陰逞醜誣而自臣先祖臣恭定王諱以來積誠祈懇至神宗戊子夫許刊正仍賜成書莊穆王事蹟之謬錄於十六朝紀亦由於檄島將毛文龍之公肆譖構而臣於世宗憲皇帝丙午專介籲天遙蒙允可及至我皇上頒示正史之後小邦之前後受誣洩晰無餘仁恩所暨幽寃克伸一國臣民莫不口頌頂戴竊自幸傳信於今與後

則顧此輯略不過朱璘任自纂錄非可擬議於國乘不刊之書而目訛襲謬之說尚在卷帙之中傳布市肆之間臣之崩迫痛冤庸有極乎臣竊伏惟念一部明史始承先皇帝明命終蒙我皇上恩頒其記載之光明事體之尊嚴顧何如也而乃有此私自編撰公行鬻賣之舉則其所以壞亂昭代記實之法大違一統同文之義者亦豈細故也哉臣自見此書憤懣彌中當食忘食當寢忘寢若使此書一日留在於天壤之間則臣將何顏面歸見臣先祖乎茲敢涕泣齋沐瀝控血懇身雖滯東心則拱北伏乞皇上俯察小邦倫義之所關特軫聖朝史例之至重亟降明旨火其書而毀其板俾絕中外流播之路少慰微臣冤憫之情則東土臣民謹當生隕死結以酬天地曲遂之恩矣緣

係事關先故敢暴至懇冀蒙矜許事理為此謹具奏聞云々

漂民出送謝恩表

率土咸戴沐暉化於懷綏遐氓復回紆殊眷於拯濟均視內服
曲庇外蕃伏念日出之東星拱于北仰乾坤之覆幬所暨皇靈
若江漢之朝宗敢替侯度豈料漂到之賤乃蒙津送之恩風濤
涉萬死之危嗟爾遠道雨露霑再生之渥歸哉故鄉顧小邦最
荷龍光而大德不遺螻命伏遇庭衢六合梯航四方法蒼穹之
無私惠洽博施軫赤子之胥溺政懋同仁至使梗萍之蹤亦被
煦濡之澤敢不望雲叩謝匝域謳歌魏闕懸誠每切瞻天之願
箕封述職粗效執壤之儀

知製教李
鎮恒製進

方物單子

朝鮮國王臣謹奏為進獻事謹備進獻禮物專差陪臣議政府
右議政金尚喆禮曹判書尹東暹等齎領進獻外今將禮物
開坐謹具奏聞

黃細苧布二十匹 白細苧布二十匹 黃細綿紬二十匹

紫細綿紬二十匹 白細綿紬三十匹 龍文簾席二張

黃花席一十張 蒲花席二十張 雜彩花席一十張

獺皮二十張 青忝皮三十張 白綿紙二千卷 黃毛筆

一百枝 油煤墨五十錠 右謹奏聞

朝鮮國王謹備崇慶慈宣康惠敦化裕壽純禧恭懿皇太后陞

下黃籤進獻禮物

紅細苧布一十匹 白細苧布一十匹 白細綿紬一十匹 蒲花席一

十張 雜彩花席一十張 右件物等謹奉進以聞

朝鮮國王謹備中宮殿下

紅籤進獻禮物

紅細苧布一十匹 白細苧布一十匹 白細綿紬一十匹 蒲

花席一十張 雜彩花席一十張 右件物等謹奉進以聞

三使出到弘濟院依幕金台汝源與煉成之先已出待李仁陽景祐沈刑判鏞韓判書光會洪判書名漢李畿伯重祐尹知申得養李叅判應協承旨~~李~~在簡尹叅判得雨金叅判華鎮金承旨魯鎮李兵議耆建沈戶議履之趙應教宗鉉洪校理景顏來別領左相及金領府相福追後來見日下晡先上使發行廡垂灌及韓壻皆令入去唯溫兒從日未暮抵高陽次于作廳郡守洪應辰出見金聖載洪希仁隨上使至此夕來見

二十八日朝乍雨從縣道上辭本職疏早食而發行五十五里中火臨津又行廿五里秣馬長湍又行四十里宿松都○早朝發行歷拜焚水院先祖文肅公墓至坡州邑底牧使以疑疾喪逝而閭里不安故中火于臨津歷路見李哀敬心于其墓廬坡州兼官交河郡守李白圭入見于寓次中火而發溫兒隨到于此別去行二十五里抵長湍次于作廳府使朴盛源出見喫午飯見外娣尹校理宅及尹副學蕃東于其墳菴又行四十里舉火抵松京館于乃成堂見趙留守重晦

二十九日晴朝發行四十里宿金川○朝留守出見經歷申五清豐德府使徐必修來見朝食後發程行四十里抵金川次于客舍東軒主守尹洸入見洪監司良漢為迎候大臣而來晤語半日白

川郡守李趾光以支應官來見海州判官李俊永為上使支供來見谷山府使尹令養厚亦來相見猗猗察訪韓德厚以夫馬差負入見金郊察訪盧允中青丹察訪崔震華亦來見關西御史李學士命彬歸路歷入亦與相見

六月庚午朔

初一日晴早朝發行六十里中火平山又行三十里宿慈秀朝明三使與監司諸守令差負行望闕禮仍發行舟渡楮灘抵平山次于東陽館伏見疏批

省疏具悉專對解本任已有前例今事異焉何可循例稟處本職許適當此盛暑卿等順成本事好復命雖荅于卿等之一字無為書狀也

尹谷山及延安府使李塉來見本府使李廷默遭臺言罷職以便
服八見方物差負畿驛察訪安任權辭去白峙僉使李浹代之監
司及支待諸守令亦辭去中火而發行三十里抵宿慈秀信川郡
守金聖休為支應官來待相見遂安郡守權師彥免山縣監申光
勉亦以上三房支應官同見

初二日晴早發行五十里飯于瑞興又行四十里中火釧水又行
三十里宿鳳山○曉起吃早粥而發抵瑞興主倅元繼孫不在載
寧郡守李瀚以支應官來待相見新溪縣令李河永以本邑無官
同見朝食而發抵釧水殷栗縣監趙瑗以支應官來宿相見文化
縣監沈鉞長連縣監李運昌亦以支應官同見中火而發抵鳳山
次于待鳳軒郡守李守彬入見長淵無官康翎縣監李彥邦松禾

縣監崔星鎮入見

初三日暮乍雨早發行四十里到黃州查對封啓留宿○朝明而發到黃州牧使李永培相見安岳郡守李時中以支應官來待相見豐川府使鄭述祚亦以三房支供官同見兵使李漢昌虞侯李章漢入見午三使同豐川府使及棋隣察訪韓德孚查對于客舍仍封狀啓宿于東軒

狀啓

臣等一行本月初三日到黃州站與書狀官臣沈頤之及豐川府使鄭述祚棋隣察訪韓德孚眼同奏表咨文查對則別無差誤處是白乎弥方物二十二駄依前例改結果是白遣連為馳向前路必欲趁速渡江緣由并以為先馳啓

同日 筵中 上問使行方抵何地方仍 教曰今番陳奏之
行事勢不得已而如此盛炎將何作行漕運尚令狀聞况輔相
之行乎此非促行而然所過站安過與否令各道臣狀聞以慰予用心
初四日晴早發行五十里中火中和又行五十里宿平壤○昧朝
而發中火中和具監司允鉦已來待迎候大臣先還都事金聖猷
本官李東曄咸從府使徐有和平壤庶尹金持默祥原郡守李潤
禧入見魚川察訪盧彥邦以夫馬差貧入見棋隣察訪辭去祥原
金生潤三亦來相見仍隨至平壤午飯而發抵平壤到江外奉奏
文于龍亭三使具公服鼓吹陳而不作舟渡大同江諸官亦隨後
而入奉奏文于上使下處上使次于宣化堂余次于應酬軒書狀
次于觀德堂都事金聖猷中軍吳載熙慈山府使李周赫順川郡

守鄭觀采入見庶尹亦先来入見與監司從容晤語

初五日晴朝行查對午後發行五十里宿順安○朝三使與監司及都事查對于宣化堂封狀啓順天郡守鄭觀采江西縣令李胄永來見飯後李翰林在學為傳上使疏批下來仍與相見翰林館于練光亭與書狀往見之歷見庶尹午飯後發行三使登普通門樓監司亦會歷見新築中城而暮到順安方空官次于東軒無官永柔縣令權彞性及成川府使金令致恭殷山縣監徐有隣肅川府使金樂淳入見

狀啓

臣等一行到黃州牧查對之由既已馳啓為白有在果本月初四日到平壤府初五日與書狀官臣沈頤之本道觀察使臣

具允鈺都事臣金聖猷賁來奏表咨文眼同查對則別無差誤處
是白乎玆當日仍向前路初十日前必欲馳到濟府緣由并以馳 啓

初六日晴早發行六十里中火肅川又行六十里宿安州○晨起

蓐食行抵肅川次于肅寧館府使金樂淳安州牧使李敬玉价川

郡守李尚直入見中火而發抵安州三使登太平門外城門樓見新築

外城形便入城內見百祥樓次于安興館本州牧使及嘉山郡守

李廷老寧邊府使洪台趾海价川郡守李尚直熙川郡守趙嶸郭

山郡守李仁默秦川縣監李宗榮博川郡守田光瀛入見毋承旨

續海趾校理相簡自寧邊衙還京歷入相見兵使李殷春虞侯徐

赫修入見寧邊人嘉善吉文揆來現途中仍隨行是日行百廿里

初七日自朝雨終日早朝發行、八十里宿嘉山○朝冒雨發渡

清川江逆行二十里見䟽鑿形止涉寧邊地十里渡博川江涉博川地三十里入嘉山境二十里抵本郡次于鎮營本守及郭山守及定州牧使李令漣鐵山府使任律入見今日一息凡行八十里終日冒雨而行撥便見家書

初八日朝陰晚晴早發行七十里中火定州行三十里秣馬郭山又行四十里宿宣川○尊食而發行三十里小憩納清亭又行四十里抵定州次于新安館午飯而發抵郭山次于司倉本郡守及宣川府使李應赫入見中火而發暮抵宣川次于禦牧軒鐵山府使及龜城府使金天相西林僉使鄭在伯入見夜與府使李應赫相語以夫馬差負魚川察訪盧彥邦老不事、正使罷斥之以鐵山府使代為差負是日行一百四十里初九日晴早朝臨發黃州查對狀啓陪持回得家書長婦以今初四日午

時生男竒喜竒喜早發行四十里中火于車輦又行三十里宿良策○
早發行三十里至左峴登新等城樓書狀亦至少坐納涼又十里抵車
輦鐵山地也龍川府使柳焮彌串僉使張泰星來見中火而發抵良
策龍川地也次于清心堂、臨蒼壁澄潭綠陰盈檻酷炎驅馳之餘對此
涼爽快滌煩襟可愛可喜本官出待仍為留宿是日行七十里

初十日晴早發行四十里中火所串又三十里抵義州○朝行三十
里舟渡毛真江又行十里抵所串中火箕營撥軍以初六日出有 旨來
傳使行姑留濟府以待指揮事也蓋聞近以青巖集現告事連日 臨
門親訊諸譯官初五日 殿座時譯官高世讓者以為曾為宣川譯學
時見土人桂德海家所有唐本 皇明通紀 國初誣語一如朱璘所
撰輯略中語云 上大驚命取玉堂所在鄉板通紀考見則洪武壬申

書麗末事李仁人下闕四字不書明是宗系之誣即命金吾郎拿來
德海而今奏文中將添入并改通紀一款而改撰也又行三十里抵義
州次于東別堂正使次于望辰樓具府尹庠已以監司相避通官須代
與之相見鄭正言景仁補外玉江萬戶纔內移而亦須代未還方處府
內入來相見宣沙僉使趙德崙以入柵夫馬差貧人見水口萬戶朴聖
奎以渡涉差貧人見以姑留濟府之意封狀 啓是日行七十里

狀啓

臣等一行本月初五日到平壤府查對之由已為馳 啓為白有
在果當日未時量到濟府賫來奏表咨文眼同查對方欲修
啓之際即刻到得本月初六日右副承旨臣林鼎遠成貼 有旨內
有到濟府留住以待指揮之 命教是白乎等以臣等祇受後

姑待 朝家指揮渡江計料為白乎祢緣由為先馳 啓云：

十一日晴留灣府鐵山府使辭歸
十二日晴留灣府見家書晚與書狀及主倅及鄭正言聖好登統
軍亭九連松鵲諸山皆入望中頗有出塞之意暮與諸人乘月復
登觀應火自亭上令小童乍舉燭籠江邊上下數十里間無數把
守一齊舉火相應亦一奇觀是日龍川府使辭歸

十三日晴上使與主倅會府內武士射試行賞蓋上使以府先生
來留多日欲為慰悅之意也午禁軍以奏文改本至三使與府尹
即為查對封 啓付京書

奏文正本

謹奏為事關

先故敢暴至懇冀蒙矜許事竊照小邦恪守藩服

世受皇恩有叩必應無願不遂今臣有切骨之痛腐心之冤而徒懷
僭越之懼不思伸暴之咎則是自阻於仁覆之天也臣今始得見聖
祖仁皇帝丙子年間朱璘所撰 明紀輯略其中載臣 國祖康獻

王

諱

宗系及臣四世祖臣

莊穆王

諱

事蹟而謬悖無倫汙蔑罔

極五內驚悼寧欲無生是書之成已七十餘歲流傳小邦亦不知為
何年而祗緣臣誠孝淺薄不能早自覺察登時陳籲此尤臣私切痛
恨者也蓋 康獻王宗系之誤書於 明朝會典實由於高麗末奸
人等之陰逞醜誣而自臣 先祖恭定王諱以來積誠祈懇至 神
宗戊子快許刊正仍賜成書 莊穆王事蹟之謬錄於十六朝紀亦
由於檄島將毛文龍之暗肆譖構而臣於世宗憲皇帝丙午專价籲
天端蒙允可及至我皇上頒示正史昭揭日星小邦之前後受誣至

此而復釋無餘仁恩所暨幽冤克伸舉國含生莫不口頌頂戴竊自
幸其可以傳信於今與後則顧此輯略不過朱璘私自集纂非可擬
議於國乘不刊之書而因訛襲謬之說尚在卷帙之中傳布市肆之
間臣之崩迫冤憤庸有極乎然璘之是書蓋有所從來 明人陳達
所撰 皇明通紀亦有小邦 宗系罔測之言而其書起洪武而止
正德想是嘉靖間所編而小邦之得見乃在 明朝昭晰之後伊時小
邦之人咸謂會典之誣既正則若此說者將歸於自起而自滅故不
復以辨明為事今以朱璘書見之既而是掇拾於通紀則又安知此
後必無襲璘而為之說者乎此臣所以必欲拔本而塞源竝舉而仰
請者也臣竊伏念一部 明史始承先皇帝明命終蒙我皇上恩頒其
記載之光明事體之尊嚴顧何如也而乃以此等誣罔之書公行鬻

賣無所顧忌則其為壞亂昭代悖史之規大違一統同文之義者亦豈細故也哉臣自見此書憤懣彌中當食忘食當寢忘寢若使此書一日留在於天壤之間則臣將何顏面歸見臣先祖乎茲敢涕泣齋沐瀝控血懇身雖滯東心則拱北伏乞皇上俯察小邦倫義之所係特軫聖朝史例之至重上項所陳通紀輯略二書中悖語之有關小邦者亟降明旨竝行刊去以慰微臣冤鬱之情則東土臣民謹當生隕死結以酬天地曲遂之恩矣緣係事關先故敢暴至懇冀蒙矜許事理為此謹具奏聞

狀啓

臣等一行到濟府留待緣由已為馳啓為白有在果當日未時量禁軍朴春起齎奉奏文一道咨文一道及黑草二張下來

為白有等以臣等祇受後與書狀官臣沈頤之義州府尹臣具
庠眼同查對是白乎則正副本所書字畫與格式別無差誤處
乙仍于仍為賫去是白遣當初賫來奏咨文各一道黑草二張
謹此八盛櫝子還為監封上送為白乎玆今此奏文之改撰出
於拔本之 聖意舉國舍生莫不痛迫况臣等奉使之心尤當
如何但此書之成在於 皇朝而行於萬曆之前則彼將何以
為說是白乎喻即今事面與前尤異百爾商度此甚悶慮而在
臣等專對之責惟當一心殫竭期於準請是白乎玆奏咨文查
對之際日已向暮勢不得不以十五日起早渡江計料是白如
乎日字自爾遲滯事甚萬々惶悶緣由并以為先馳 啓為白
卧乎事

十六日都承旨讀奏狀

啓

上曰狀啓中所慮果非過慮彼

人若曰正德前事今何來請云則實非無據之言予卧而靜思
彼若曰神宗皇帝以前事何為而今始來辨乎云則將何辭
以對此殊可慮但奏文合說善矣接脉又好使臣但依奏文為
言則無慮耶使臣之以此疑慮非過矣予所恃者只使臣三使
臣皆選也做事必善其中書狀雖年少而為人精明亦何事不
做畢竟竣事無慮矣上曰奏文果善成庶幾無慮乎然只一
事尚云難矣況其中更添一事乎使臣見之安得不頭痛也

十四日晴留灣府

十五日自曉雨注食後雨勢稍殺霏微不止以終日飯後發行到
江邊封狀啓渡江行三十里宿九連城○日欲明時三使行望

闕禮于龍灣館時雨勢無開霽之意主尹及行中幕屬諸人難其
輕發而已以望日渡江之意上聞不可遲留上使促飯先發余
又繼發過清馬廊到鴨綠江邊馬廊乃勅行時接着清馬之所厓
屋百餘間周遭連絡書狀及府尹先坐江邊依幕搜驗卜物鄭聖
好亦來同坐午諸人會于正使幕次封渡江狀 啓

狀啓

本月十三日奏咨文查對之由已為馳 啓為白有在果臣等
一行當日辰時量渡江入去為白乎弥方物依例改結裹今卜
作馱則加把刷馬為三馱一隻是白遣不虞脩管運餉銀子各
四百十六兩六錢七分依例賚去是白乎弥夫馬差使貧宣沙
僉使趙德崙領率人馬到柵門雇車後還送計料是白乎弥行

中卜定各道驛馬中瘦劣不堪遠行是白在忠清道成歡驛李
德秋馬江原道銀溪驛李德基馬咸鏡道高山驛金發里金馬
居山驛康太興馬合四匹還送本驛而以平安道大同驛全長
同馬吳石山馬魚川驛申和同馬金云萬馬並仍把入去為白
乎玆書狀官臣沈頤之義州府尹臣具庠眼同點閱人馬搜驗卜
馱則無犯禁之物是白如乎八柵形止追後狀 聞訃料緣由
并以為先馳 啓云々

行中渡江記

正使品馬五匹內

上騎一匹

馬夫金郊驛
朴鼻大老味

中騎三匹

馬夫金郊驛李二必成歡
驛金卜巨金井驛金四甲

籠馬一匹

馬夫高
驛金太雄

先生馬四匹

馬夫大
伊魚川同驛
申化同金銀萬

奴子二名

命一
斤老味

書者一名

順安
成澄奴

馬頭一名

每種
价川奴

籠馬頭一名

義州
甲金奴

乾糧馬頭一名

鐵山
卜山奴

左牽馬頭一名

鐵山
再公奴

日傘奉持一名

鳳山
太奉奴

引路二名

宣川
義州奴
正彦三

轎子付嚼四名

鐵山
嘉山奴
和卜瑞與奴云得
光之宣川奴四奉

厨子二名

平壤奴得夫
義州奴銀采

軍牢二名

義州香里
同宗世

軍官前府使具叙五

騎驛馬一匹

馬夫栗峯
驛姜必山

卜刷馬一匹

馬夫

奴子一名

莫山

前同知朴緯漢

騎驛馬一匹

馬夫金郊
驛安去忠

卜刷馬一匹

馬夫

奴子一名

龍同

前同知趙鐸

騎驛馬一匹
馬夫居山驛咸元三

卜刷馬一匹
馬夫

奴子一名
二同

通德郎金尚選

騎驛馬一匹
馬夫利仁驛金貴萬

卜刷馬一匹

副使品馬四匹內

上騎一匹
馬夫青丹驛李思同

中騎二匹
馬夫金郊驛金貴同魚川驛李太京

籠馬一匹
馬夫魚川驛陳世光

奴子二名
春與伊

書者一名

順安奴
永采

馬頭一名

鉄山奴
吹萬

籠馬頭一名

宣川奴
青金

乾糧馬頭一名

郭山奴
太成

左牽馬頭一名

永柔奴
致真

轎子付嚼四名

順安奴是春太京嘉山
奴成得義州奴同伊

厨子二名

平壤奴加我孫
順安奴宅徵

軍官折衝李光維

騎驛馬一匹

馬夫大同
驛全長同

卜刷馬一匹

馬夫

奴子一名

順安奴
光宅

通德郎尹光孚

騎驛馬一匹

馬夫高山
驛咸太養

卜刷馬一匹

馬夫

通德郎韓光敷

騎驛馬一匹

馬夫居山
驛金德厚

卜刷馬一匹

馬夫

書狀官品馬三匹內

上騎一匹

馬夫青丹
驛李吉業

中騎一匹

馬夫棋獐
驛金守瓦

籠馬一匹

馬夫高山
申古音孫驛

奴子一名

二得

書者一名

金郊驛
奴卜同

馬頭一名

平山奴
尚位

籠馬頭一名

大同驛
大介同

左牽馬頭一名

瑞與奴
番同

軍官前郡守具彩五

騎驛馬一匹

馬夫成歡
驛金龍奉

卜刷馬一匹

馬夫

堂上譯官資憲大夫李

湛

騎驛馬一匹

馬夫棋獐
驛李斗必

卜刷馬一匹

馬夫

馬頭一名

嘉山奴
得龍

奴子一名

正憲大夫金振夏

騎驛馬一匹

馬夫銀溪
驛李太石

卜刷馬一匹

馬夫

奴子一名

宣川奴
桌金

嘉善大夫申漢楨

騎驛馬一匹

馬夫金郊
驛李二男

卜刷馬一匹

馬夫

奴子一名

青東

前正張潛

騎驛馬一匹

馬夫保安
驛白五男

卜刷馬一匹 馬夫

奴子一名 鐵山奴 化同

前判官李寅德

騎驛馬一匹 馬夫金郊驛
李荷邑赤

卜刷馬一匹 馬夫

奴子一名 龍川奴 世太

前主簿金倫瑞

騎驛馬一匹 馬夫棋隣
驛李萬在

卜刷馬一匹 馬夫

奴子一名

前主簿金復瑞

騎驛馬一匹

馬夫銀溪
驛田述男

卜刷馬一匹

奴子一名

前正張淹

騎驛馬一匹

馬夫保安
驛崔龍男

卜刷馬一匹

奴子一名

前僉正張宅裕

騎驛馬一匹

馬夫銀溪
驛孫日中

卜刷馬一匹

奴子一名

前正李鎮復

騎驛馬一匹

馬夫趙保安

卜刷馬一匹

馬夫

奴子一名

前僉正崔宗魯

騎驛馬一匹

馬夫大同

卜刷馬一匹

馬夫

奴子一名

寫字官折衝吳世鼎

騎驛馬一匹

馬夫棋麟驛

卜刷馬一匹

馬夫

奴子一名瑞與奴
別奉

內醫副司果李長周

騎驛馬一匹馬夫魚川驛
卦道也之

卜刷馬一匹馬夫

奴子一名

藥房書負千世郁

騎驛馬一匹馬夫魚川
驛張世良

卜刷馬一匹馬夫

灣上軍官閑良崔滄

自騎馬一匹馬夫奴
已連

放料軍官折衝崔德恒

自騎馬一匹

馬夫奴
貴金

表咨文載刷馬一匹

馬頭一名

平壤奴
大老味

方物載刷馬五十六匹

馬頭二名

瑞興奴
春白定
州奴
南山壽

元盤纏載刷馬三匹

別盤纏載刷馬三匹

京路費載刷馬十六匹

上副房柶籠載刷馬四匹

府先生刷馬二匹

三行次帳幕載刷馬五匹

添載盤纏載刷馬三十四匹

軍糧載刷馬二十一匹

北灣上載刷馬七匹

驛子都卜載刷馬九匹

內局藥材載刷馬一匹

救急藥材載刷馬一匹

文書載刷馬一匹

副房前同知吉文揆乾糧庫直僱人金養仁借譯官奴名而行

三房幼學李鴻祥乾糧庫直戶曹吏池宅壽借譯官奴名而行

府尹設小酌飲罷正使先渡待舡回與府尹及聖好作別作家書
付狀 啓撥上遂上舡家奴占瓦及丘從福昌辭歸開船沂上數
里順勢橫放食頃到彼岸下舡登轎行三里許到中江兩江之間
皆是水磨石水漲之時則自鴨江一槽仍渡云乘舟而渡下舡登
轎行數馬場到設檻坪地是沙土間有泥濘蘆葦簇密如麻其長
過人鎗軍哨官領鎗軍十五人持鎗先道從蘆葦中行十里許抵
三江渡涉哨官又艤舡以待登舟而望越邊山坡上有甲軍三幕
三區其中三人望見吾輩行向江邊下來舟到彼岸下舡坐藍輿
以待人馬之齊到時兩止而陰甲軍三人到江邊進士及軍官僣
僕與諸譯官往見問何為而來荅曰觀光來也仍與問荅少頃彼
曰明日交代來我們當還云々盖每月初一十六交遞云人馬齊

到前行地仍沙土間有蘆葦而不如設檻行十五里抵九連城義州護送哨官已設幕次下轎拜正使歸坐幕次時纔晡時行中皆曰渡江從未有如是之早蓋今行既無八邑搜驗無難故也厨子進夕飯饌器過十而烹割頗精屢日胃敗於列邑支供之餘所食大勝命自明減損饌物器數已而書狀亦到飯後與書狀散步帳前正使亦來除去禮貌仍與徘徊周望九連城俗傳古有九城相連故名而今無基址可尋又名鎮江城萬曆丙辰為鎮江遊擊府山勢繚繞土原平曠信美可居可知古時官居之地也夕先送譯官金振夏于柵門使之即通于鳳城告知使行之來俾即來開柵無至到柵留滯之患日斜時甲軍五人騎馬從帳後向三江路去蓋是明日逋番者也晚後雨勢稍歇一行入馬之露處者不甚沾濕

可幸

十六日晴晡時驟雨三次朝發行三十五里飯于金石山又行三十五里宿慈秀○日出時喫早粥而坐昨日三江所見甲軍三人外又添二人騎馬從帳後向柵門去蓋見代下番也發行五里許過望隅又十里過碑石隅路傍陂澤之邊有沒字短碑自望隅望見松鶻山在西北甚近巖巒竒秀箇々呈露有似我國道峯而差小也又行五里過馬轉坂又十五里抵金石山乃土山而木茂形類我國鞍峴設帳幕極草率窘窄不足蔽陽正使棍灣裨七度云朝食即發以後松鶻則不復見行八里過溫井坪路西云有溫井而石梁浴堂尚存云行里許望見雙龍山雄俊特立可與松鶻伯仲又行十二里過柳田又行十里到湯站路北有崩城石門之

形又行五里許至葱秀小山之上草木葱茸大川環流其下彷彿
我國平山之葱秀而遠不及也厨人預具釣竿數罟而來進士與
諸裨投竿得川魚四十餘余與書狀往見正使亦隨踞繩床于溪
邊戲曰魚雖不大可當王祥之冰鯉耶設罟者不得魚厨人言厨
卜先来見甲軍五人歸路捉魚飽喫俄才歸去云遇雨還帳中因
撥便見溫兒十一日平書今日凡行七十里大抵所經山勢無甚
高峻而山有楸櫟隰有檉柳間多連抱之木藤葛蔓延開野雖不
甚廣亦多平行可居雖無屋間基址之可尋猶可知其為舊日人
居之墟也終日所經雖茂草叢薄之中猶有線路不斷蚊蝎之屬
形色各異而若大若細俱有利觜大者隔機而咬之有如針刺而
血出以之咬馬驚血流一行俱著紗揮項又以紗製面扇掩面

而行余亦牢閉紗窓而亦有鑽隙而入者

十七日朝陰時、雨下濛濛、間或出日行三十里入柵門留宿○
早起啜白粥發行大約路右多絕峽層巖路左皆深澗而樹木翳
菴夾路行十三里過孔巖行數里過雙龍山以後皆平原也行十五
里餘到柵外金振夏言已言于鳳城、將及諸公差今已出來云
坐柵外依幕飯後宣沙僉使辭退見溫兒十三日平書門開柵內
人三、五、出來見之收稅官坐門檢閱卜物譯官來言今行既
無八色故稅官愠其無利自三使衣籠并欲解結見之故據理責
之而無事入門云封入柵狀 啓付灣撥并寄家書是後公私往
來音信無由相通懷思殊不佳

狀啓

臣等一行本月十五日渡江之由已為馳 啓為白有在果渡江之日自曉至晚雨下如注畢渡三江之際自爾遲滯暮到九連城幸得開霽是白乎等以兩夜露宿之中數多人馬得免大段沾濕之患是白乎弥近來使行輒多到柵阻滯之弊是如乙仍于渡江後先送堂上譯官金振夏使之預為通及矣鳳凰城將以下諸官今方齊到問以當此潦炎使行何故八來云荅以非關大國事有我 國事之不可不及時奏請者不計暑雨若是八來之意為言則更無他問即為開柵故當日未時量點檢人馬無弊八柵方向鳳凰城以為趨程前進速達燕京之計料為白乎弥方物二十五駄一隻宣沙僉使趙德崙領運來到乙仍于依例雇車載去為白乎弥咸鏡道居山驛咸元山馬渡江

後猝然病蹇勢難致遠乙仍于不得已還為出送以平安道大同驛尹老郎馬代把入去為白乎弥使譯舌輩探問彼中之事情則皇帝山東之行今四月二十四日還都而國中無事別無他奇是如為白乎弥_臣等入柵之後先來未發之前則凡係使事百爾思量無他上聞之路此甚萬、悶鬱緣由并以馳

啓云、

朝者任譯輩先入柵內與鳳城將諸官對話之際自上副厨房備藥果一器盛數立乾肉一器盛數條為相見之禮是舊例云上自城將下至護行甲軍皆有紙扇等贈給禮單而上判事主其事甲軍輩爭多寡較優劣叫呼極紛亂不勝其苦使馬頭替當而解其紛云午三使入柵門所謂柵門者劈大木如股環押平原迤上山麓

而太半朽缺無遮路頭設門草蓋板扇門之左右有廔房彼人則無常出入而唯我使來時牢閉不開必關由鳳城而開之開門時三箇清人騎馬先出馳往里許睚眦事變然後始許我使之入門內路右有一衙門朴陋莫甚以草庇屋丹青剝落鳳城將門御史收稅官諸貲各坐椅上從門隙窺見使行威儀使行過衙門時乍退駕轎前馬人卒替舉而過所以示敬待諸官之意云入山海關時亦然八柵人馬之赴北者人共二百四十八貲名馬共一百五十二匹而方物與三使行乾糧皆雇車載運節行則車夫自北京載賁咨官卜物而來自柵門受載使行卜物故持車者皆爭先碎頭今行則無八色無買賣初無燕貨之可以載來者故車夫皆不願雇而非雇車則將無以載卜也車夫輩知此狀反示難重之色

所費雇價比前倍蓰云柵內人家不過數十大川經其前川之北
又有數十家夕飯後往正使下處書狀亦至相與步出川上見一
人驅馬牛騾各百餘匹而來到川邊一齊飲水飲已以長鞭一麾
而口出一聲三畜又一齊上岸各歸其家曰：如此云蓋神於擾
牧之術也路傍有九神寺小刹也寺門之外有前人德政碑四座
碑皆龜趺而碑之左右築輓為牆而以石灰塗而飾之上以瓦庇
之而左右與上皆僅容碑身所見極為精緻雖數百年之久似無
風雨磨洗之患是後路傍有碑處皆用此制大勝於我國碑閣也
十八日朝陰午晴晚驟雨自柵門行三十五里宿鳳凰城○朝食
而發行十里許東望有山峯巒秀削環列如郭而古城石築增峻
於其上乃安市城也行數里許路之東有人家之北有石碑

之東有曲墻而樹木環苑云是故通官徐宗益之父墳而其孫仍
居其下云行十許里有鳳凰山與安市相聯峯巒秀峻卓犖而矗
立如角其色蒼潤正使言可擬我 國金剛云大抵安市鳳皇皆
是骨山又無傍麓之連延者異於我 國諸山至鳳皇城人居稠
密市肆殷富而彩飾雕鏤非我 國京市之比誠一都會也館于
王綽之家云是漢人而鳳城巨富王輔之子家甚宏麗入三重門
館于內堂間架制造則同是五梁三間而書帙滿架什器精麗後
庭有果木梨樹櫻桃成林又有石榴四桂數盆前庭之東有西向
屋書狀館之庭之西又有東向屋厨子入處治飯又其西出小角門
有一屋制亦同乃王綽之侄之家云正使居之正使書狀會于余
所與主人相語自上副房治饌兩床以饋之屢稱不安向三使叩

頭使譯舌通言令其持入與家眷共之大喜使其家丁送入于內
書狀館之東又有屋子其女眷移處焉其北又有一屋皆是無脊尾
屋也路上廛肆之北有土城形址城長居其內今城長乃武人而皇
帝宗親云使行方以求得朱璘輯略為心故就其書架檢閱所積書
籍有世史類編一帙而於我 國壬申癸亥事誣語一如輯略中
所記試令首譯請買主人曰大人既欲見之當獻之不可賣云故
只以當匣借去以備考證夕與主人語問前山何名荅曰鳳凰山
山上有我新造僧房大人回還時上去看玩好也山之北有安市
城此地乃大人之邦故地也以此見之可見唐宗狼貝而歸即此
地無疑也主人之子王誠民年十五亦是富相以紙束清心與之
護行通官一人姓名文陰德佈乃我 國嘉山人之孫也迎送官

一人舒喀滿人也迎送官亦稱麻貝自此護行至北京云伏兵將

一人領撥什庫

我國旗隊長之類

二人甲軍十八名到遼東交遞瀋陽廣

寧錦州山海關以次交遞云而行中隨來者不過四五人蓋伏兵將以下皆有使行中例贈故麻貝減其人而取其物云自鳳城至瀋陽及山海關三處一行料米計日支給鷄猪馬料等物各站皆有所給而料米則通官與灣上放料軍官附同分用云

十九日陰時或細雨濛濛如霧暮雨行五十里宿松站○早食而發涉一川行十許里渡三义河水頗廣深及膝五里之間如是者凡四又行五里渡乾者浦一名餘溫者介水不及义河渡此以後始有峽意行五里過伯顏洞皆是峽路又行七里許上麻姑嶺不甚高而長幾五里路頗狹而車跡則深嶺之下路猶瑩确路之東

山勢高而間多巖壁路之西山勢差低而少巖石行十二里許到鎮東堡一名松站又云薛劉站人居幾四十餘廛房亦為十許也每站有撥軍居之而家有走馬十五匹蓋自鳳城至燕京各站有驛丞掌撥馬傳命而勿論三十四五六十里惟以站為限而遞傳云異於我國之廿五里置撥所之制也

二十日晴朝行廿八里飯于黃家村又行卅五里宿通遠堡○吃早粥而發行五里許入小長嶺不甚高峻路又平易而其長五里許下嶺而東有赤壁臨流彷彿同福勿染亭西有麓山而間有岩壁渡瓮泚河水頗廣深及馬腹譯舌言此水冬行每患難渡今當夏潦之時而如是順渡天幸云上大長嶺高峻則過小長而其長則半之下嶺東有平岡迤延西有殘山連綿夾路十許里而草木

蒙被純然濃綠宛是真采畫。開野頗廣野皆平田疇塍繩直各穀
齊茂遠而望之有似極目烟波而間以野花點綴亦是佳景渡
劉家河大如瓮北中火于黃家村是峽中僻陋之村也朝行二十
八里也飯後即渡八渡河乃瓮北上流也第一渡幾等瓮北而
行二十餘里後凡渡七八小川比瓮北或半之或三之一也自八
渡河行里許過獐項十里過金家河又五里尹家庄皆小小村庄
又二十五里抵通遠堡一名鎮夷堡比松站頗殷富而閭舍多宏
濶也有感氣無有腹痛飲茹藿湯一貼

廿一日朝晴晚雷動暮暫雨朝行三十里飯于沓洞又行三十里
宿連山關○朝飲茹藿湯小喫早粥而發行十里過石隅但有一
小店又行七里過和尚庄又行十三里抵沓洞一名草河口村家

極隘陋三使同接一舍余則腹痛頗甚只呷湯飯數口而發行十里踰分水嶺不甚高路頗平易鳳城瀋陽交界處也嶺之西水入遼河東水入中江故名行五里許踰高家嶺又行八里許踰劉家嶺皆分水之類又行五里許抵連山關數百人戶挾大川而居市廛頗繁筆館于張子寬家其茅三子鑑年十五頗穎悟讀大學中庸論語方讀孟子告子召之前使之上辭以不敢與祇筆使之書字畫亦妙與一清心丸叩頭以謝今日行六十里腹痛不止而有痢漸服清暑六和湯去人參一貼

廿二日朝霧晚晴行四十里宿甜水站○早服六和湯吃白粥小許而發行五里許涉一川之上有僧屋行十五里許上會寧嶺之高峻而樹木參天蟬聲聒耳路皆石延仍乘轎而上登其頂嶺北

諸山頗高而登嶺望之皆在眼底蓋嶺之北地形底下也嶺之下未及平地有關帝廟下轎入瞻五梁三間以草蓋之而丹雘新鮮榻上塑像乃金面而戴青巾被青繡戰袍以右手捋其髯有兩童子分左右侍榻上而左者象黃袂裏紙軸之狀奉之右者象黃袂裏方形之物以奉之前有卓卓上香合香爐願籤解冊卓下右有周倉奉青龍刀侍立左有關興侍立余入禮拜譯官申漢禎李寅德又入拜使之抽籤三籤皆吉有始難終吉之辭守廟僧進茶啜之以一清心丸報之書狀亦同在而以無道袍不拜嶺之北亦四圍皆山而東則岡巒多高峻間多巖壁削立西則土山無奇開野頗廣而人居相望下嶺行十里許西南間有一石塔在山腰所謂席狼谷也由此而行亦達狼子山迺二十里而路甚平易故重輜之避

青石嶺者由此路云又行十里許抵甜水站山勢秀麗土原平曠
間闢稠密廛肆繁麗亦一鄉聚也夕又飲六和湯是日始欲加進
一站一行皆以當此極暑一日踰兩嶺為大不可不得已止宿
廿三日晴朝霧行三十九里宿狼子山○早服六和湯吃白粥小
許行十里餘上青石嶺行三里許至嶺之頂路如會寧而樹木無
多嶺之頂有人家由頂而下路皆步、低下而險惡紆回行三里
餘至嶺底疊嶂周匝不見遠山嶺北地形比嶺南不知低下幾百
丈也嶺底路傍有草蓋小剎制如會寧之關廟正使書狀先已下
轎入憇余亦追入小憇又行數里踰小石嶺其高其長如我國
南漢利壯峴之類也行十五里許抵狼子山人居亦幾數百小石
以止山勢脫渣開野平曠判異於嶺之南也夕又服六和湯腹痛

痢便有加無減度數則通晝夜六七次而今日夕曰大便下血幾
一升連服皇茶辰砂益元之屬吉文揆言魚膾最良於痢証夕吃
白粥數匙魚膾一小椽

廿四日晚霎雨仍或陰或晴或灑雨晚有風行卅八里飯于冷井
又行三十里宿新遼東○喫早粥小許而發行七八里過摩天嶺
堡只是十數小村而村之後即摩天嶺自虎狼谷而行則不踰青
石而踰此嶺云又六七里曰佟家庄但是七八舖子又五里許渡
三流河下轎視大便下血如前轎中吃白粥數匙又行七八里踰
王祥嶺一丘陵也晉孝子王祥之所居故名云行四五里至石門
嶺石路頗峻盤旋而行至嶺之頂石岸對峙有類門形下嶺行
八九里路頗平坦至冷井朝飯人居五六十戶井在路傍水自石

間直涌自我京至北京此為半程服辰砂益元散呷湯飯數口仍
為發行、十許里過阿彌庄樹木陰翳村居相接殆四十餘戶過
此以後遼東野也轎夫指示一白塔屹立天際曰此是舊遼東城
中物距此三十里云行忙病困未得轉入舊城而轎夫言城內人
戶過三千而閭井之稠密市肆之繁華倍過鳳城云今城長蒲人
三品官其名保成又有知州亦蒲人而五品其名兆坊云又數里
過木廠舖村居頗密木材小大委積而皆是雜木無松材皆自水
路浮下都會于此近地作舍者皆資於此云行里許渡太子河一
名衍水乃燕丹亡溺處云路右平野中有新遼東城後負丘陵前
臨小渠城形不圓而方亦不大其內人居亦少云此乃清汗攻遼
陽時所築行六七里渡遼河水不深廣只有二舟與書狀同舟而

渡下流則人馬皆徒涉也行里許抵永壽寺留宿今無僧舍而村以是名村家近三十餘村中有周垣長廣皆百許步垣內有四五古墳對木老大墳形下圓上銳不被莎體甚小問之村人云是北京諸王之墓過此以後路傍間有墳墓而多在田畔無塋域無莎草有子孫之墓則但於清明加一抔土而插紙旗其上云病勢有加便道通晝夜為八九次而下血不止腹痛甚無有嘔氣米飲亦數口而止只是昏睡是日行六八里自九連至遼東四百卒餘里或向西或向西北而行廿五日晴行三十里飯于爛泥堡又行三十里宿十里堡○余病勢漸苦一日所失之血幾至一斗元氣不能收拾而使事緊重且棘強氣作行朝服倉廩散吃白粥數匙行十二里遞轎馬飲米飲數口行里許過接官廳新舊官相接之所也又六里曰防虛所野

中只是殘村又五里餘渡三道把村前有歧路也下轎放便亦赤
痢瀉血呷米飲一口過村有石橋名曰萬瀑橋又五里抵爛泥堡
自永壽至此途泥難行自接官至爛泥素多泥淖爛泥之名由此
云入站舍大便兩次下血如前昏綴轉甚金銀花末三錢調蜜水
服之又服辰砂益元散呷湯飯一口又發行五里過萬寶橋又五
里過烟臺河數三舖子間於一字村間又五里過山腰堡村間至
殘又五里過五里臺只是七八殘戶又五里抵十里堡是日行六十里而日才過午
矣村里頗多市廛亦殷阜矣入站舍正使來視而不能起居入站
即視大便少頃又如廁一向瀉血起而幾仆地福奴挾腋而行才
入炕四支厥冷神氣索漠傍人以為昏窒而精神則不甚迷諸人
以溫手摩四支少頃呼吸漸續手足乍有溫氣正使即席令急煎

二錢粟米飲以進凡節乍定而言語猶謇澁腹痛不止厭食愈甚
書狀亦皇忙來坐傍人勸米飲蛤湯只接口而止蓋乾嘔無甚也
連用歸茸益氣湯二貼八人參三錢自是夜不能如廁始用便器
見傍人氣色頗遑々而自覺精神則不昏迷也行中 御醫李長
周隨來始病時以為此病專屬暑熱六和湯去人參入黃連一錢
連服之又服倉廩散追思今病非專為暑熱也腹痛則痰証無作
也且余大腸虛冷最忌涼劑而連服黃連以致失血過多而元氣
虛陷也上使軍官趙鐸命歸茸益氣湯連用之
廿六日陰雨午後乍霽晚後又注下行二十里飯于沙河堡又行
三十里宿白塔堡○病勢乍有勝於昨日而昏濇則益甚曉服歸
茸益氣湯正使送人參五錢而其中一塊三錢重頗好故用煎粟

米飲飯時服之正使來見先發向沙河病勢實不可作行而行中
諸人苦勸離發蓋年前鄭領府錫五臯復於此店也且以醫藥之
道瀋陽為勝故也強啜稀粥數匙紅蛤湯半鍾未午發行、五里
過板橋又七里到長盛店只是十餘村家遮馬呬蛤湯數口又八
里到沙河堡亦一大村病勢下血差減度數亦損而腹痛乾嘔等
証一乘故厭食亦一乘矣八站即服歸茸益氣湯欲進稀粥而不
能只呬米飲紅蛤煎水少許仍復發行、十里過暴交哇戶僅十
餘亦有廛房遮馬吸米飲數口過火燒橋村店亦如暴交毡匠鋪
舊家子抵白塔堡有土城餘痕在於村後七層白塔立於路右不
甚高大其下有寺亦有關廟云到站飲鷄膏米飲半鍾暮服歸茸
益氣湯夜中昏漉似睡而過是日行五十里

廿七日晴行二十里抵瀋陽○朝進加味歸茸益氣湯米飲則初
不近口而發行五里過一所臺又五里至紅花堡飲米飲半鍾行
里餘渡混河水一名阿里江又名小遼水、廣而不深世傳孝
廟留瀋館時作亭子于此又胡人以野坂田授世子種菜亦此地
云水北有寺青瓦屋白石塔甚奇麗路右有廢寺行十里抵瀋陽
城外去前陪閑轎門而入蓋瀋陽號稱盛京而有宮闕故使行不
敢乘轎入城故也城郭市肆甚壯云而余則一無所見入城館于
閭家：頗寬敞病勢無加減乾嘔厭食愈甚入站只呷米飲小許
蛤湯則初不接口而却之午服益氣湯夜又服一貼而自夜始減
人參五分入一匙半今日未到站舍之前通官要醫以待及入次
少頃首譯邀來云是此處禮部藥房人來診脉出而論証命藥而

初無藥名故傍人請名書曰加味夫連宣滯湯蓋以暑熱所崇執証也饋以藥果肉脯紙一束扇三柄清心二丸云

廿八日朝雨或陰或暘留瀋陽○病勢便血則顯減早服益氣湯又加縮砂一錢也厭食亦似少勝稀粥米飲時強飲少許正使書狀來見午服益氣湯暮又服一貼而復加人參五分及只角肉豆久桂心李君鴻祥隨書狀同行使之冊肆得朱璘所編明紀輯畧買取而去畢竟能得皇旨申禁賴有此耳聞新有皇制革破迎送官首譯得皇旨之行會於衙門者而來示

議奏及皇旨見下

廿九日小晦朝有霧晴留瀋陽○病勢自去夜嘔氣有減故所進粥飲亦稍勝腹痛昏漉亦勝間起坐與人言語早服益氣湯去只角午服一貼夜服一貼正使書狀飯後來見舍館稍間故不能

時：而來而自病後倅訊則相續矣以使事甚急正使有明日欲行之意韓裨相議更留一日譯官輩言有陸姓醫人甚精數日經營今日邀來診脉論証亦命涼藥而方文不書藥名紙末只書吳中陸係方陸係其姓名而是吳中人云饋待一如禮部醫以送云

七月己亥朔

初一日晴留瀋陽○早服益氣湯午又服一貼而加附子七分夜
又服一貼病勢差勝午後携杖起步者內外炕嘗湯飯藿粥等物
生魚亦少嘗甚思和醋之味而終不得好醋也病狀既可動身使
事一日為急故定以明日發行瀋陽古挹婁國地唐時渤海置瀋
州遼置興遼軍後改昭德金改為顯德軍元改為瀋陽路治遼陽
城 皇明洪武二十年置衛後又以城東北八十里撫順千戶所
城北四千里蒲河千戶所來屬天啓陷於胡為其都遂改為奉天
府亦曰盛京東西距五千一百餘里南北距三千餘里東界大海
西界山海關南界海遼北界鄂羅斯東南界喀塔山西南界海東
北界海西北界蒙古土點持領府二奉天府州四遼陽州復州縣八

承德縣海城縣蓋平縣寧海縣
開原縣鉄嶺縣錦縣廣寧縣

城二城黑龍江古城臨城置戶禮兵刑工

五部侍郎各一員郎中二十二員員外郎三十二員主事四十員

筆貼式二十二員助教四員司庫五員贊禮郎二十二員讀祝官

七員監督一員司務一員司匠一員司獄一員鎮守奉天都統將

軍即藩一員副都統一員以上皆以清人填差額徵地丁銀二萬

八千七百八兩零米五萬八千五百八十二石六斗七升官莊徵

糧三萬二千三百九十一石自遼東至瀋陽百十餘里向北而少東行

初二日晴極熱行三十里飯于永安橋又三十里宿邊城○晚服

益氣湯朝呷白粥數口而發十二里至塔院呷米飲蛤湯少許又

三里過壯元橋飯于永安橋余則又服益氣湯吃藿粥半鍾行十

五里過大方身調服九公王道糕又行十五里宿邊城不喫粥喫

新蓮子薏苡一鍾夜服益氣湯是日行六十里而殊不知行役之
為甚害也

初三日晴極熱行廿五里中火孤家子又十七里宿周流河○曉
服益氣湯而發行十二里到神農店只一小荒村也駐轎少歇飲
蓮子米飲小許而發又行十三里抵孤家子朝飯余則只飲益氣
湯而發又行廿七里抵周流河自孤家子行七里許舟渡周流河
譯名葦齊言每當使行之渡此水也不遇風浪則雨雪年年如此
今當夏節如是穩涉萬幸云河邊只有舟子一戶多有所捉生魚
厨人買去行十餘里到周流河村有古城基址而地勢頗高矣度
藩以後老柳連抱夾路成林時或間斷而猶能連續自周流河至
新民屯三十里間無寸株也夕令作小麥水接羹喫一鍾許大抵

遼野地勢夷下經潦之後水不即退每日強半行于泥淖水澤之中甚熱之日泥如熱粥水如火湯而烈日上覆非但馬卒病暍顛仆馬亦不能行也是日行四十二里自瀋陽至孤家子八十餘里向西而少北行

初四日晴風行三十八里中火大黃旗又行三十里宿大白旗○曉服益氣湯呷白粥數口先正使而發行五里涉五道河又五里過四方臺無人居又行二里過郭家屯凡行十餘里之間則皆從泥淖中行郭家屯亦是大聚而村舍皆門外水瀦路出瀦中若遇小潦則行路幾不通也又行八里抵新民屯八于染鋪中小憇吃市糲小許主人自云稍解醫理勸用紫金錠以筆書數字謝之此

則是大都會處市肆之盛殆亞於鳳城也又行五里度小黃旗十
餘店舍又行八里抵大黃旗朝食余亦試喫水飯數匙即發行七
里許渡蘆河溝凡三大水初再則以人夫擔輜以渡茅三則有小
航故雙輜橫載其上使人前挽後推濟之三大水之外涉川又四
五矣自大黃旗行廿二里抵石獅子下橋八路傍店房作藿湯小
飲正使亦追到同入小憩余又先發行十里過古城子又行五里
抵白旗堡宿夕服益氣湯一貼至此始見醫巫閭山橫亘於西北
大野之外距此一百八十里云自此至山海關醫巫則或遠或近
而無間隔不見處也夕服益氣湯一貼喫水接羹一鍾而宿病勢
則便道一日只數次或下真便凡節差勝而口味終不快開是日
初五日晴風行五十里飯于二道井又行五十里宿小黑山○曉

服益氣湯早朝飲湯飯數口而先發行十里過小白旗堡行二十里至一板門小憩村店不過五六十戶食細麵小許又行二十里至二道井朝飯正使行到歷入相見喫湯飯小許水味甚惡無有土疾云自一板門至二道井自古四時皆泥濘行路尋常難通聞年前皇帝降勅發丁筭路左右為渠洩水行路賴之云今行亦無碍穩行焉余又先發村前水深且遠只有一小航載轎如昨日而渡之馬皆解鞍以單身涉之過此以後路皆泥濘往來水濘便成深澤行八里至寂隱寺十餘殘村而已行廿二里小憩于新店到此始見丘陵而人家亦盛矣呬藿羹數口而行路出村後平岡之上八遼以後連日穿行於蜀黍田畔黍長過人數尺雖遠外山巒無一入矚終日轎中所見不出眼底今始登此四圍遠地朝山

八眺而一望平疇蜀黍齊茂有若碧海萬頃平鋪眼前亦極快哉
自此連有丘陵行里許過土子亭十餘殘村也行十五里有古烟
臺其制或方或圓方者一面可三丈許圓者其圍可二十把高五
丈許以輓夾灰箠之四圍如削近上三分之二開前後兩門最上
又有臺其高可半丈將領所處也有垛堞穿砲矢穴一臺以百人
守之有警則放炮相報自此至山海關近則五里遠則十里碁置
相望世傳戚繼光所為明朝末年天下財力盡於此而畢境無益
於防胡云清兵攻烟臺多死故毀之而以其堅不能盡毀云行四
里抵小黑山館于漢人黃德寬家村居皆依丘陵始有村庄之像
而村閭亦幾三百餘也夕飲湯飯小許今日二道井以後五十里
皆行于水澤泥淖之中途中如此處甚多且大川之無橋梁舟楫

處亦多如遇小雨則決無作行之勢自前使行阻水空留旬望者亦多有之云而今行適值天旱幸無阻水停行之患幸甚今日疾隱寺途上遇罪人十四每兩人以一鐵索連鎖其項索長數尺領去甲軍皆騎馬云是關內犯採參者被捉於瀋陽方移囚於山海關云是後頻遇罪人雖一人必以鐵索鎖其項或以方板大枷着其項或衣赭衣或有黥其面作字而書其罪名者或有并其妻眷家私而載之車連三四車而行者其中以強盜而遷于黑龍江者居多也是日行一百里

初六日朝晴食後始雨雷電晚後晴行三十里飯于中安浦又行四十里宿新廣寧○病勢雖少勝於向來而厭食一味無勝神色益覺瘦黃添以路憊昏倦亦甚傍人苦請留休數日而顧使事不可

虛徐強氣作行曉服益氣湯朝吃湯飯少許而發行十二里到羊
腸河水不深廣路亦非羊腸之曲而但滿野泥濘跋涉極艱過河
八里許遶馬後人勸米飲而不能飲又行十八里抵中安浦朝飯
村間市廛亦一大聚也余則只喫水接羹小許而發行五里過于
家堡又五里大于家堡俱有數十村間又三里八望臺又三里舊店里又二
里二臺子俱有小村莊又二里鏈子店有若干廛房從人勸斑芝薏
苡而不合口未吃只遶馬而發五里過古家子又五里大古家子又
三里新店又五里抵新廣寧間市亦殷盛自中安以後遇雨途泥
更甚自新廣寧距舊廣寧為十里舊廣寧北二里有北鎮廟極靈
異云抵站厨人進乾麵而不堪喫只呷數口而退如廁快放真便
而還坐炕上草昨日日記而卧忽眩暈如身在旋風之中冷汗出

而手足寒無有脰腹之痛蓋今日飲食失時而脰腹之証痰滯而然也急進益氣湯一貼眩少定點燈後食湯飯數匙夜深飲蓮子米飲一鍾大抵病勢大添也今行到瀋陽留數日上三房餉行中人卒而副房則以余病未遑今日到廣寧軍官輩喜余病勢之向愈殺猪造飯大餉一行是日行七十里

初七日晴行三十六里宿閭陽驛○夜中脰腹牽痛精神昏眩不能安睡晚登溷大便過泥近泄服歸茸益氣湯八參二錢朝服六君子湯八參二錢又服六君子湯一貼飲米飲少許葭行五里至興隆店只若干村居又五里渡一水至雙河堡亦殘村也又五里至壯鎮堡城堞猶存而亦有四門人家極條殘又五里至常興店村間幾百廛舖亦為十許少休道傍服六君子湯一貼又行一

里曰三臺子只數三小舖數三村舍行七里曰二臺子亦如三臺
又十二里至閭陽驛城堞夷殘人居爲數百餘夕服六君子湯一
貼而加桂枝夜又服一貼厭食昏泔一樣也

初八日晴發行四十五里宿十三山○朝服六君子湯飲米飲少
許發行十里曰二臺子又五里曰三臺子又五里曰四臺子又五
里曰五臺子又五里曰六臺子一名堊山堡蓋所謂臺子則烟臺
也因其序而名其地各有若干人居也至四臺子服六君子湯一
貼自六臺又行十里抵十三山人居頗盛所謂十三山在人居數
里之間山不高大而發出野中四無附麓如置恠石于庭中峯大
小不一而不止十三而已夕服六君子湯一貼夜服鹿茸大補湯
連日每藥八人參二錢

初九日晴行三十里宿大陵河堡○朝服加減六君子湯入參一錢半飲米飲小許發行五里曰五里堡多有人居又行七里曰二臺子一名偷老婦店又曰禿老鋪店人家近百又五里曰馬房又八里舟渡大陵河行五里至大陵河堡人居店鋪極盛次于廬房午服六君子湯加鹿茸三錢當歸一錢半夕又服一貼病勢一味無減大便似痢似泄一晝夜為十餘次所食不過米飲四五次而一飲不過一鍾子終日終夜昏沈若睡形色瘦黃骨立以手照日無半點紅氣引鏡自照便作別人所見極其危凜不得已為留息數日之計上使書狀每站迭來相視使事一日為急而余病如此不能排站前進而又此留滯其悶可知今行地部例贈人參四兩江界府使李漢泰送三兩參于灣上箕伯送參五錢余所自持者合

為八兩上使以內局藥物參一兩分送又以行篋所携前後送二
兩書狀亦送參五錢又鳩聚買得於藥房書負等處已喫十三兩
許前頭無以繼用送乾糧譯官金復瑞于錦州衛求問買參處
初十日晴留大陵河主人王鄭曹三人設鋪業迎客又賣酒鰕醢
所謂酒鰕我國甘同醢之類也而獨大陵河有之稱為佳味每年
上供云朝服香砂六君子湯八參一錢半午後又服一貼加鹿茸
當歸各一錢

十一日晴留大陵河朝服粟米飲三錢重午服異功散一貼
十二日晴留大陵河送上使書狀先行余病留調數日諸症少無
所勝欲待小愈而作行則不可以時日為期使事不可一向稽留
上使書狀不得已先行余獨落留朝食後上使來見握手告行慰

諭曰勿輕服藥善為調護追後入來觀其色頗慘然余曰緣吾病甚一行淹留中心惶悶又添一病大監先行病心極幸須勿以小人之病閑念平安前向病若可動則小人亦當追後卽發矣書狀亦來作別上三房軍官譯官各來告行而其氣色俱有作訣之意上使割出官銀四百兩付之吾行中曰若久留于此而參料告乏則以此買參為可云々而宗為治喪之慮也上三房雖發御醫李長周則落留矣副行軍官譯官輩入來莫不以上使先行如失幘幪余曰吾心則不然上三房一行先發病心頗覺快幸如除一病也仍獨卧旅店合眼靜思家國杳然病勢如此寧不寒心而亦無自危悲憾之意但以孺兒之獨自焦煎為閑念耳是朝服粟米飲三錢重午又服異功散一貼午後服參苓茶二錢重一貼自數日小便

短澀只登溷時略放小許而已李鑒全無省識趙鐸亦不甚分曉而隨正使先行遂一物停藥以己意煎人參茯苓各二錢陳皮一錢服之護行通官隨上使行迎送官同余落留

十三日晴留大凌河曉飲米飲一小鍾服土龍膏一鍾服參苓茶一貼晚朝放小便僅一鍾而色赤而濁進湯飯一小鍾午進米飲小許夕又進米飲昏後又放小便比朝頻多而色則如朝又煎參苓茶一貼昏後夜半分二次服

十四日晴留大凌河病勢便道幾乎如常若能喫粥則可以作行而湯飯白粥之屬對之欲哇今則尤甚終日所進只米飲一鍾湯飯半鍾而已是為最同似是胃經有痰陽氣不能升斡之致又以己意製益胃升陽湯入人參一錢加藿香一錢午後服一貼

十五日晴留大陵河曉飲米飲一鍾餘朝服升陽湯朝食時喫水飯數匙食後食米飲一鍾餘午後又食米飲更服升陽湯一貼夕喫湯飯水夜飲米飲一次所食則果頓勝而連日夜各睡不已今夜則全然失眠鷄鳴後乍睡即寤是夜月色如晝行中軍官及譯官輩喜病勢之欲回頭合錢具酒肉會坐于門外街上放量大飲李醫素無酒量而追衆過飲狂叫昏倒過數十日猶莽澌面浮怨傍人不已

十六日晴發大陵河行二十六里宿獲沿店○病勢便道通晝夜一二次而只泥滑已而口味差開湯飯米飲對之無欲哇之意升陽湯果有應目下証形旣如此則元氣之稍勝不可以時日期而一向淹留極為惶悶試欲作行進士及幕下諸人下至刷馬驅人

輩交謁更諫欲更觀數日而一併排却定以作行曉進米飲一鍾
朝服升陽湯食時喫水飯數匙發行：十八里少憩于四同堡柳
陰下又行八里抵雙沿店日未午矣病形幸無行役之害八站舍
喫水飯數匙及麥糲油餅數介夕服升陽湯暮又喫水飯數匙站
舍窄陋終夜失眠鷄鳴乍睡卽寤日夜昏睡之餘兩夜失寐非由
屋陋病狀有變而然矣上使行時留軍牢一人俾於數日後詳報
動靜使韓裨把筆呼書以今日發行之意報于上使發送軍牢
十七日風自曉始雨終日注下夜二更雨止月出平明發行：二
十六里飯于松山堡又行四十里宿高橋堡○未明服升陽湯朝
明喫麥糲水接養一鍾餘蓋以糲食偶合於脾胃故頻喫麥糲羹
餅之屬矣早朝冒雨發行：二十六里到松山堡是行也雖雨而

不大注也進重蒸飯一合許發松山行里餘雨勢越緊行十五里
過官馬山又七里至杏山少憩于廬房喫細糲一鍾許又行四里
曰新店又六里曰十里河又八里抵高橋浦凡行十六里是行也雨注下不止
館于驛丞徐姓人家甚敞美夕令作五穀重蒸飯喫之頗合於
胃食一合半許館舍淨好夜睡少勝而亦不能如前也杏山歇馬
時驕馬夫金郊驛奴貴危者素不能喫酒而為其同鄉驛卒所勸過
飲燒酒醉不能行故令載以空馬以歸日暮持馬者來言欲漢載
之馬上而不能着身馬背步落小人以箠力無以舉動載馬
不得已棄置而來云時方初更而冷雨如注聞極驚駭問其所
在為十餘里令行中已喫夕飯者二人持馬前往載來夜半來告
曰持馬到其處遍索不得不得已空還云必是憚於夜半泥塗不

肯拔力尋究而回也想厥漢內醉燒酒外沾冷雨經夜道畔無人之地則其死必矣更令多人前往覓其死尸而來如是紛撓夜不能睡

十八日晴終日風行三十二里秣馬連山驛又行三十八里暮抵寧遠衛○去夜取醉漢之諸人日明無消息故更為送人至朝晚諸人始歸而醉漢亦自少以來聞之無異死者起來詰之則醉者言始也醉倒不省人事夜半乍有醒覺開眼見之星月照耀身卧道上泥水中上下通濕頗有寒意而四顧無人家故匍匐入卧於蜀叅田中朝明起來逢着人馬而來仍笑曰昨日若不醉酒夜間必死無疑殊不知若不醉酒則初無是事其愚迷如是也今日程途雖云七十里洽為百里也始欲早行曉服升陽湯視大便、色

幾如常喫藿粥一鍾許暑節久不梳頭、髮滾成一團而垢深汗
積如添一病手自理髮傍人迭諫不得梳訖而坐精神頓覺清爽
仍用溫水洗面醉漢不到故令造飯喫五穀飯二合許醉漢方到
而日已飯時矣即發行三十里過朱家哇二里過五里河橋又四
里紅旗營自此路左海色從山觔處間、見焉西南頗有島嶼東
南雲水杳茫無際行三里許登一小坂東望滄海與天一色有一
土山橫卧海中無數商舶列泊海邊帆檣如簇停轆一望踰坂過
塔山所村閭極繁五里渡朱獅河水不甚廣過河於柳陰下遞轆
馬三里曰雙廟店只數三戶又二里曰罩羅山、如覆帽山下有
十許殘店曰罩羅店自此路出山麓間行二里過二臺子又七里
橋渡一川即連山驛閭閻廛房頗盛以前路遠日已晚不為造飯

齋來蒸飯澆以溫水喫二合許秣馬即發行五里過五里河又二里有小驕曰長春又二里曰雙石店錦州寧遠交界處也又三里曰雙石堡村舖頗盛有古城在於路左行三里有一平坂下有殘村坂名曰乾草嶺又有小峴行數里路北有一石柱其南又有三石柱而皆六陵未知為何物也行數三里兩峯對峙者首山也皆有烟臺而其南高峯即所謂嘔血臺世傳魯花赤將夜襲寧遠城時袁崇煥守寧遠我國譯官適至入謁袁公公積書萬卷坐一室城中寂然夜深有一將八來有所告公點頭俄聞城外砲聲震天見胡騎飄騰於烟焰之中或飛墮於城內蓋預埋紅夷砲於城外虜至而砲發也虜之猛將精卒盡於此翌朝袁公登城視之嘆曰殺人此多吾其不免乎魯花赤僅以身免走保此峯袁公以羊酒

慰之曰得無悸乎後勿復來魯花赤大恚嘔血而死故仍名其峯
云過兩峯有永寧寺在大路傍時日色已昏促馬而行數里望
寧遠城堞而忽見有圓燈大若磨盤者掛在樹林之外諦視之乃
月色也月離海不遠故其大乃如許耶又行三四里從東城門入
復從西門出館于店舍吃重蒸飯小許城內路出祖家兄弟石牌
樓下而日昏莫卞其製是日行七十里

十九日晴行三十里飯于沙河所又行三十里宿東關○早服升陽
湯啜藿粥如昨發行渡寧遠河廣不過數丈行七里過青墩臺店
乃觀日出處也行六里曰曹庄驛五里曰七里坂村間廛肆為數
百許遶轎馬又七里曰五里橋南望海色連天島嶼羅布也又六
里抵沙河所一名中石所城堞夷圯間閭廛市則頗盛服升陽湯

一貼喫五穀飯如昨發行三里曰乾溝臺無人居四里曰烟臺河民居頗多又四里曰半拉店三里至望海店皆有閭舍適輜馬行四里曰曲尺河水小而淺有若干人居又二里曰神農店小小村店也六里曰三里橋自橋三里而爲東關驛城堞已頽城内外人家數百餘夕喫雜飯如朝是日行六十里

二十日晴熱甚行二十里宿中後所○早起聞去夜韓裨所騎來驛騎見失主人及里正今方四出追蹤云留陪行譯官申漢楨李寅德待主人歸若未聞下落捉來于中後所以爲呈官訃余則如昨吃粥先發行五里過二臺子村店蕭條又五里曰三臺子又六里渡六渡河水深不可渡而上流有舡復緣水行五里許至舡所只有一小舟下坐川邊良久待進士至同涉又行四里許至中後

所次于城外廛房人家近五千廛肆極殷盛一大都會也喫朝飯如昨待申李兩譯日晚始來而不得馬匹踪蹤捉主人及里正諸人以來云故使之呈文中後所如是之際日已向晚不得已留宿下處甚窄日氣甚熱而蒼蠅極多苦莫甚也喫夕食小許終夜失眠夜中乘月獨起周行庭外以納涼

二十一日陰暮洒雨即止行三十里飯于葉家屯又行四十七里宿松嶺溝○曉啜藿粥發行申李兩譯以昨日呈文之未出塲姑為落後行五里過一臺子又五里曰二臺子又五里三臺子適馬村居市肆幾數百家又三里過沙河店又五里過雙臺墩又四里曰板橋只是六七殘戶又二里道傍有累、古墳云是葉家之墳而村多葉氏之居云村前有牌樓第一層直書曰聖旨第二層橫

書曰節貫金石第三層書曰旌表田士秀之妻朱氏節義坊十二
字又行里許抵葉家堡朝食村間厰舖殆數百也喫雜穀飯如昨
申李兩譯到言與迎送官往于中後所衙門官員乃州判而年
少文官也稱病不見只傳言曰東關乃寧遠所轄往呈于寧遠可
也申譯答言吾輩則呈于州判州通判轉報寧遠可也豈有使外
國人往來呈卞之理乎然則通判自為之吾輩到北京呈于禮部
則當有處分矣吏輩傳于州判而出多有苦之、色言于迎送官
與申李兩人於東關主人李哥及里任處私捧手記而約以馬價
銀三十兩使行回還時倘納云々李哥及里任輩使甲軍領往寧
遠云新有護行章京自鳳城差送及于此前隨迎送官當還云蓋
以皇旨罷迎送官代以章京故也聞迎送官乃北京人而家眷在

鳳城當復往鳳城率眷還來也譯官革言既已同行至此今姑仍到北京追後往鳳城率還貴眷為可迎送官有許云發行三里
有溝魚河屯一名寇家城野中依崖有城而多有頽圯八九殘村
依城而居或云城是女子所築云又二里有溝魚河水廣不過五
六丈又六里渡兩水河水亦不深不廣又四里過萬井堡一名沙
沿舖又四里曰前屯衛村間極蕭條本皇明廣寧之前屯衛也
洪武二十五年置衛宣德三年於城西五十里急水河增置中前
千戶所城東五十里杏林堡增置中後千戶所也三里曰乾者河
二里曰王家臺四里曰王濟溝左右村店五十餘遠輜馬三里過
望岡臺村間亦甚少又五里曰土峯臺海門甚近望之頗快爽又
五里曰高嶺驛村間不多有古城在於路右與溝魚城一樣又五

里抵松嶺溝留宿吃夕飯如昨申李兩譯以明日進關之意將先通於副都統告辭曉發是日行七十七里

二十二日曉發行三十里至王家庄朝飯行七里許至八里堡觀貞女廟又十許里入山海關又十許里宿紅花店○曉服健補湯一貼進薈粥發行五里踰小松嶺又十一里過中前所城堞絕皆頽夷市肆亦不甚盛行七里過大石橋又行三里涉兩水湖適轎馬預令厨人於此造細糲以待誤聽而不設故只煎茶而啜之又行四里過老鷄屯廛肆井間頗殷又行五里抵王家庄入王姓人家進雜穀飯如昨催發行二里從西北小路過一孤村迤入貞女廟有一小隴陡起於大野之中而廟在其上門外以層階等兩路而外圍以墻東路則以年前 皇帝所從入鎖其門從西以八庭有三大

碑皆是貞女事蹟與重修記也貞女姓許氏名孟姜其夫范郎以秦時戍卒赴長城之役久未歸貞女尋之至此日登山頭石上而望之聞其夫已死遂大哭而死後人憐之立廟其地云有佛殿坐三塑像其一着王者衣冠未知何神其二似是范郎與貞女也問諸居僧而不解壁有皇二子梧琴居士所題詩亦可謂夙成也殿前有貞女祠塑一女子兩童女侍立左者持傘右者持玉帶傘其行具帶乃玉帝所賜云開廟之前門大海在其前塑像着淡素之服踞坐榻上目視滄海眉頭不頻眼眶無淚而顯然有悲懷滿腔悽然欲泣之態信良工也廟門刻聖之貞三字左右柱分刻文文山儷句有曰秦皇安在哉虛勞萬里等怨姜女未亡也尚留瓦石流芳又有乾隆御額芳流遼水四金字又有千古無心誇節義

一身有死為綱常分兩句刻揭左右而傍題皇太子書東西壁繪貞女終始事蹟而皆有題目門前又有古碑苔蝕有止此石三字傍書三韓車三字其下又有書而剝落難卜從中門入殿後有層巖巖上有一大對巖面一刻望夫石三大字一刻乾隆御筆詩曰淒風禿對吼斜陽尚作悲聲吊乃郎千古無心誇節義一身有死為綱常由來此日稱姜女盡道當年哭杞梁人有秉彜公懿好訛傳是處也何妨乾隆八年冬十月云而其下又刻乾隆御寶印章巖腰有七八足痕世謂貞女上而望夫下而養姑其跡穿石云其下又刻振衣臺三字作如是觀四字又從巖下出一門長城橫亘西北而廣野無邊南有大海茫、亦是快觀也牆外則金沙淨鋪蒼松列植兩畔棗木又多成林極有窈窕之態自廟西行數里出大路

丘陵之上有一墩臺即汗之將臺也進士與韓裨往觀焉則從小
甕城入四面皆方而高可十丈四隅皆層堦以上旣登則山海關
城中俯瞰如食案而制作極精巧云世所謂一夜間所成者誠荒
唐也自此望見長城氣勢益壯跨壑緣峰萬雉崢嶸令人魄動到
二里店小憇關門之外也路左右有市肆賣餅餌而時果沙果林
擒之屬爛紅堆積李譯來言關內諸官問大人病患如何仍言冒
熱驅馳盡意休息而八無妨云、飲米飲小許遂入關門有兩重
皆有門樓而外門兩層內門三層內外門皆有濠及甕城門樓城
濠極其雄壯外甕城內石面刻威振雄邊四字內城石面刻迎旭
二字內門樓揭橫書天下第一關五字扁額世傳李斯筆而板已
朽藏府即今所懸即明人劉顥之筆云城門之左有城毀處廣十

餘丈世傳吳三桂引入清兵時所毀而其後清人以為基業之福地不復等只以鉄索縱橫其處以防人出入云關內諸官列坐路傍點閱人馬余脫轎前馬如入瀋陽時路傍有四石獅聞是戶部侍郎衙門云入城時見自關出去之人皆露其全體而檢閱以小紙細書踏印以給方得出關歸時失此無以入關云關法之嚴可見也市肆之繁閭里之盛當與盛京埒而十字街城上五六胡兒向西吹角未知何意而我使入此時必如此云出西門樓如東門而內揭乾隆筆祥靄搏桑四金字外城亦如東門而城內石面又刻威振雄邊四字渡大石橋過深河行十里抵紅花店入謝姓人家卽歲貢進士而其名為永璣也外開鋪子而迎客內有居室而頗侈麗主人方出他不在云自關至此已過二烽臺蓋清汗所

築而其制略倣烟臺而方其石面必刻府營名其下又設五箇烟
筒欲燃以狼烟為報警訃也其傍又置守卒所住之舍而軍哭馬
匹具在烽臺之設遠則十里近或五里以達于北京是日行八十里
二十三日晴早發行廿七里飯于鳳皇店又卅五里宿榆關○早服藥吃藿粥而
發行二十里過范家庄村落頗殷盛又十里過大理營柳木菟茂
間闊擲此又三里曰王家嶺二里曰鳳凰店八厘房服蔘苓茶一
貼朝飯而發行十五里渡深河水不甚大又十里過綢子店十五
里至榆關入于秦存義家留宿是夕稍早散步出後門有瀦澤四
五畝榆柳傍植鵝鴨游泳觀之足可忘行路之勞矣凡行七十五
里榆關世傳蒙恬樹榆為塞處也從前使行到永平府三行皆先
送書者于北京使之修治館宇今吾行落後而先去之行亦必以

未聞吾行消息為菟故先送書者水彩致書于上使書狀無令修理館舍是日行七十二里

二十四日晴早發行廿里飯于撫寧又廿六里宿獲陘堡○曉服藥吃藿粥而發行十一里過營家庄上白石鋪下白石鋪吳官瑩皆是小村落而忽見數峯石山現出於西北天際即昌黎縣文筆峯而距此為四十餘里云撫寧昌黎多有文士以此峯云又行九里至撫寧縣城外朝飭有新婚于歸者過門外鑼鉦之聲器物之車前後絡繹店人云新婚裝送必以數百金故人家有女而家貧則老不嫁者此、有之云聞城內有所謂徐進士鶴年家、甚殷富居室奢麗什物奇巧且以文學聞於世從前使行必八一見云飭後即發從東門入城、郭之堅完市肆之殷盛亦非小邑而街巷懸板爍

爛或紅質金字或粉質青字或書以歲進士或書以旌表節義亦
有一門之上列揭數三懸板或曰名世儒宗正人君子或曰坤貞
閨範當代女宗而多不能盡記徐家在於路右即使李譚先之而
隨入徐鶴年阜年兩進士已故只有二子而兄年二十一弟年十
八云第宅宏敞書床帳頗簡其正堂東西各有一炕兄弟分處
焉正堂則鋪以甌輓中置大卓文房諸具古書畫帖皆可觀壁上
又有琵琶琴瑟之類尹白下詩板揭在東炕曹台疇卿和韻揭在
其外開硯取筆書問其能文大者使其弟答書以答所書數語文
與筆皆無足觀而其兄則亦似不能為此矣即以扇柄藥丸相贈
而出見庭中蓮盆之中養五色鯽魚花盆之上種各色花卉而其
中石榴樹葉厚而光潤若我國冬栢葉花為千葉其宗絕大且甘

云我國之所未見者約歸時以數顆相贈蓋撫寧邑居於平野之中而峯峦秀麗水勢彎環當為關內第一可居之地也又起程十五里過蘆峰口又十里背陰堡又七里至雙望堡宿自關外興隆店至雙望堡五百八十餘里之間居室皆平屋無脊上以石灰塗之草生屋上間多菟茂秋來刈取作薪云其地近海多風草蓋頻有飛揚之患故如是云永彩昨日先發到此病瘡而卧故使刷馬領將野朴者代永彩先行御醫李長周忽請同為先去苦挽不肯不得已給其盤纏以送蓋聞乾糧官以其盤纏事有所微及之言大以為不安遂如是云乾糗失德極可歎也是日行五十二里二十五日晴早發行四十五里宿永平府○早進健補湯吃藿粥而發行十七里踰部落額雖不甚峻石路深如箭筒轎行極難又

三里過十八里鋪遶馬十三里過秣驢槽五里抵永平府八城內
漢人于姓人家日尚未午而日氣甚熱且前站無可止宿處目稅
鞍留宿府東據岡阜西臨灤河山川明秀城池雄壯人居之稠市
肆之盛殆與瀋陽相等而地勢局面有類我國平壤而差大矣站
舍庭前小架葡萄向熟又有絲瓜長纒數三尺在架下垂有似青
蛇之倒掛矣

二十六日晴早發行二十里飯于夷齊廟又行五十里宿沙河驛
○進藿粥羊炙早發出南門額曰神京右輔行一里許舟渡青龍
江行十五里抵灣河蓋直路泥淖難行故迂由西北路而來矣河
上有孤竹君廟、宇額圯乘舡渡河、之南有城在高阜之上周
可數里高僅丈餘南門樓額曰賢人古里章丘楊選筆填以朱其

上石刻孤竹城三字八一小寺韓裨先已到此煎藥以待故即服
小休禪房進飭薇菜登盤使行到此厨人例以乾薇作羹云飯後
步出寺石上清風臺以輒筭臺高二丈許長筧八九丈東西附于
垣臺之上有屋三間扁揭山高水長心曠神怡等文字臺兩旁各
有小虹門東曰高蹈風塵西曰大觀寰宇虹門之內累輒為階級
傍垣而上臺東西又各有門東曰百代山斗西曰萬古雲霄臺之
北有短牆其外江水也臺下有屋三間扁曰揖遜堂嘉靖庚戌所
建前有門內外皆有扁內曰平滌上境外曰仁賢肇跡左右夾門
東曰豐薦西曰齋明堂壁多古今題詠西壁石刻王世貞吊伯夷
賦鑿壁而納之堂之左有行宮乃乾隆所歷也堂之前有正殿金
字扁額曰古之賢人傍書乾隆御筆殿內二塑像并坐一榻冕旒

袞袍措笏垂紳而面樣大同小異焉率裨譯輩俱為瞻拜肅然有
立懦之意矣卓前有黃質青紋石香炉酒瓶削樣刻畫精巧中刻
正德御賜四字左右壁石刻四詩有曰軒冕泥塗是本腸肖容儒
雅污冠裳蕨薇依舊西山岵頑懦羞登夫子堂只為心慙踪異武
敢將口實罪歸湯豈爭隴右還蒲坐天下清風盡首陽傍書癸亥
十月御題并書云卽乾隆所題一曰敬受吾皇令抒誠謁二英孔
稱仁已得孟曰聖之清維世綱常之持身節操明愧他氷與雪未
許比晶瑩卽和親王所題也一曰得聖之清孰與齊首山道便此
憑躋為傳公信及公達底較遼西後隴西何事宋朝錫圭冕可知
夫子視塗泥史遷慨羨青雲士未識浮名等稗穉甲戌初冬乾隆
御筆再題一曰廟貌山林古跡幽魂潔烈亘千秋庶頑立懦無

窮羨效武稱湯宗可羞孤竹城垣成往恨首陽薇蕨至今愁黃旄
戟馬歸陣事惟有灤河曲水流和親王再題也殿庭嚴邃杉檜落
落宛帶凌霜之氣也其下有六碑成化弘治萬曆順治康熙乾隆
時諸人所撰也出門又有二碑東曰洪武九年重修春秋仲月猷
祭景泰年間賜以廟額將廟地所出子粒買辦祭需蓋從永平知
府王璽所奏請也祭文曰維神避國全仁諫伐存義為聖之清千
古無二懷仰高風曰篤不忘庸修歲事永範綱常西邊則康熙太
學士范文祖所撰也夾室內又有三碑一書孔子稱夷齊之語二
書曾子孟子稱夷齊之語皆填以青皆是嘉靖十八年夏四月永
平知府張玘所書也又出門左右粉牆一書天地綱常一書古今
師範又有牌樓金字額曰清節廟東西各立石牌東曰忠臣孝子

卽崇禎癸未春陳泰來書西曰到今稱聖卽萬曆甲子夏李順之
書牌樓之西壁左書清風右書百代亦陳泰來所題也樓東又有
石碑略記唐玄宗令郡縣春秋獻祭宋徽宗封贈清惠侯元世祖
追封昭義清惠公崇壤仁惠公等事也仍為進發行五里許曰黃
家庄又行十許里過王家庄穿過蜀黍田中到一樹陰中停轎坐
歇滿野樹木皆是香梨而雜以山栗下輩冒熱馳之餘偷摘以
食栗欲肥而梨半熟大抵此地名曰沙河香梨所產之處也其梨
體雖不大味極軟爽頗似我國黃鳳之所出矣又三里許始出大
路楊柳列植濃陰可愛傍有所謂劉家庄者只是數家殘庄厨人
輩先已來此具麥糲水卵以進主胡又進大梨七八箇云是好品
入口果為清香厚意不可孤以蘓清二三丸報之又行十三里抵

沙河驛城已圯但餘虹霓石門而土石間、落下出入可畏也城之西有三皇祠其中蓋有伏羲神農黃帝之塑像云入王姓人家止宿是日早入無聊隔牆有讀書聲使人要之有一村學究率二童而來使金譯問答則是漢人張姓而不甚麓魯小坐而起往即來饋以杷子生梨報之而紙扇清心是日行七十里

二十七日晴早發行二十里中火新店舖又行三十里宿榛子店○早服健補湯繼進藿粥而發行五里過三官廟又五里過馬鋪營又五里過一小隴名曰七家嶺只小丘壟旧有村舍為我使行之中火處帽子之產於此者為好自十餘年來村舍盡為移入於深處造帽之人亦徙於中後所今不造帽云又行五里抵新店舖舖在山坡上有小城自東門入人家不過四五十戶中火而發行

五里過乾草河有美女七八皆從籬隙四間窺蓋此地素多美姝云自此路出岡隴行五里過新坪店又行五里度一石橋名曰牯牛橋又行四里許渡青龍橋左右有石欄而橋底之水平鋪而斗絕便一瀑流亦可觀也橋之西有神庙額曰至聖文武未知供何神也行里許抵榛子店有城有街樓人家亦近千餘殆非小去處出西門入秦姓人家已為他人所占餘無可宿之家即下轎入舖子中坐進麥糲使下輩及領將等覓家不得乃入城得一寺來告即命駕入宿寺中但有數三金佛而前殿則奉文昌星神塑像金冠白髮甚是端妙殿右又有一大殿安齊天東岳神塑像似是女神而極其雄偉左右神將列立見之可怕也店人以賣菜種為業如白菜紅蘿蔔等種譯官輩到此買去云是日行五十里

二十八日晴朝發行三十里中火板橋又行二十里宿豐潤○服藥進藿粥而發行二十里過鉄城坎十室殘店又行里許路傍有木牌白而書之云板橋為兩水所壞必迂由黃家塋來遂從木牌所書尋車轍而行八里餘始抵板橋村舍陋窄難坐中火即發見一村舍有坐車與太平車使譯舌輩問其故書狀與首譯以路泥不得乘車棄車跨馬而去云蓋前行過此時遇雨狼狽之狀見此可知而計程則二十七八日間可抵北京也吾行過此幸免此患益覓造物之乘齊也村西有一空室甚宏敞有七八少年胡兒或彎弓或舉石或讀兵書或踞床而坐使譯舌與韓裨往問之蓋是武人習藝之處也云路皆細沙極平夷行二十里至豐潤縣南城外八朱姓人家止宿前行所住之家為永平喪行先占蓋永平知府作

故今方行喪自~~作~~新坪路互相先後見其行喪之法喪輦甚大而無丹青雕刻之飾其棺槨以朱紅上頭圓而刻雲龍下隅方而刻壽福字皆填以金置一雄鷄於其上時有鳴聲以人之魂靈聞鷄聲則不散云輦軍纜三十餘而一人在前以鉦節其行止魂車在前知府平日所乘轎而置木主於其中木主以素木為之其体比家禮尺度甚大而無通窾無外櫝不塗粉題曰皇清誥授朝奉大夫永平知府芟裳李公神位傍書子某等均奉祀所謂知府李姓而南原人也其子四人其長其次皆已通籍為仕云其家眷亦同行車馬纜數十輛而婦女車則皆遮之以紗帳八北後女子車遮以帳者今始見之蓋南京人則尚有婦人蔽身之規也是日店舍大半為此行所占而靈柩停於路中設幕處俄有本縣知縣來

吊知縣之來也前導皆是黑短衣朱草笠有清道金鼓二隻旗而
無竿而肩擔之大鉦一隻手執而行打之朱棍一隻朱杖二隻如
我國牢子所持而倒荷之又有空手者二隻前導中張青阳拿
知縣乘有屋轎子四人荷之騶從四五人至喪所下轎脫所著兜
子而改着無象毛無微子之白藤兜子八跪靈座前喪主一人不
哭而傍立祭需餅果肉二十餘器乃知縣致奠禮也知縣連獻酒
盞而每一獻輒一跪如是者三、獻皆有笙琴迭奏獻畢執喪人
之手數轉語終無一哭而退見其靈座樞前掛一玉色有紋緞銘
旌長過七尺而廣才二寸墨書以皇清誥授朝奉大夫永平知府
芟裳李公之靈幡傍書某年某月日時生某年某月日時卒云々
韓裨往觀而來傳如是焉知縣即漢人鄒士城云未及縣城數里

山上有安祿山廟對山相望處有楊太真廟皆塑像云是日行六十里

二十九日晴朝發三十里中火軟鷄堡又行四十里宿玉田○服藥進粥早發從東門入城頗完城內人居亦稠從西門出路右有玉皇閣行忙未得歷覽縣前有川水漲絕如江從下流以舩渡行二里過趙家庄又一里過蔣家庄又一里渡渡沙橋以路泥捨直路迂由西北山下小路行十五里許過高麗堡路右瀦澤蓮花爛開有水田種稻方茂田形種樣與我國無異傳言舊時我國被擄人居此成村仍以高麗名村水田亦其時所為云向時此村之人遇我使行必以酒肉迎勞以示殷勤中年以來清皇徙其人於他處使不得與我人相接云到村前遇村人驛卒問此村何名

其人勃然荅曰你之祖宗蓋從前使行過此下輩遇彼人必曰吾是你們之祖宗以辱之故彼乃先菽以制之云聞村中所賣餅多我國之制使之買來時方盛熱不造餅云又行五里到軟鷄堡中火仍又難菽行五里過茶棚菴又八里渡沙流河村居頗盛又十里渡兩水橋自此柳陰夾路令人忘暑適轎馬煎茶以飲又行五里過梁家店城多崩壞只有虹霓門又十里曰十五里屯又七里曰東八里堡又一里曰龍池庵又三里渡石橋行七里抵玉田縣由東門入館于韓姓人家止宿主人即昌黎後孫也以秀才稱而自謂墜落家聲云與韓裨通姓名以為同姓頗示殷勤之意聞前行以二十三日過此而得買通紀云殆若神助何幸如之玉田本春秋無終國地在漢為無終縣漢陽雍伯種石子得白璧取徐

氏女故名玉田無終山在縣東北三十里上有燕昭王墓云今見城頗完城内外人居之繁華遠過豐潤知縣漢人鈕翰城云是日行七十里

三十日晴早發行三十五里至蜂山店中火又行三十五里宿薊州○服健補湯進甘藷粥早發從城南路行八里過西八里堡又五里過五里屯又三里曰彩亭橋人家頗盛橋乃金學士楊繪所造采亭繪之號也云遮輜馬以前站之遠進意欲少許又行九里曰大枯樹店之北嶺上有大樹不知其名枯死已久村以是名俗傳若生葉則真主起近年頗有生意云是後路漸近北而南則廣野無際所謂薊門烟樹八望下輩則謂之瑤池景而時當夏節海霧未開無由得見殊可嘆也又二里過小枯樹店又八里到蜂山店八

李姓人家中火仍又發行、二里過螺山店只數十人家路左三里許有一城堞隱映於對陰之間乃宋家庄也世傳此家富鉅萬明末私築此城以自保清人累攻終不降乃曰朝鮮降則我亦降矣清人乃詐以朝鮮人衣冠粧其人而示之曰朝鮮降人在此爾猶不降乎始乃出降清皇怒之令歲貢萬金以此家業大不如前每見朝鮮使行之過此者則輒啞而不見云又行八里過鼃山店以山形之如鼃也又一里過二里店又四里過現橋又二里過小橋坊又十四里到漁陽橋進饌盒停轎以待進士之來蓋直路泥險難行坐車故從西北山下大路而來也古有橋而今無以舡渡河行五里到薊州從東城入城郭之雄市肆之盛即遼西第一大都會也聞蒙捷之往來亦皆由此云王姓人家止宿是日行八十

里

八月己巳朔

初一日晴行三十里中火邦均店又行四十里宿三河縣○服健
補湯進甘藷粥難發行過衙衙中有十字樓榜曰古漁陽又曰京
東鎖鑰行近城西門有一虹門在路北卽卧佛寺也八門扁曰獨
樂寺又入一門有二層傑閣上層扁曰觀音之閣傍書太白二字
云是青蓮遺墨也下層扁曰慈悲大士殿、內有立佛高可七八
丈卽觀音像也金身、着黃錦袍垂左手持瓶舉右手當胸持數
珠從殿西複壁中緣板梯二十一級向西北而上復轉而南又緣
板梯十六級而上始達樓之上層樓皆鋪板空其中央以立金身
傍設欄檻佛身出其上肩與檻齊而頂拄屋樑頭上四圍附着小
佛十二面只悉如大佛觀者循檻回轉在下仰視未覺其高至此

見之始益其狀自肩以上猶為數丈其長可揣也僧言長六十七尺亦是一壯觀也樓之南北皆設窗、外有欄可凭一城中皆在眼底城中人家不甚稠密城周可十里許纔登樓上俄有鳴鉦喝導之聲旗幡節鉞亂動於門前紅傘下有一官負乘轎而至鬚眉皓白云是知府而漢人梁冑堂云也戴品兜子被黑絹衣項鎖掩肩蟠花繡膏垂青紅石念珠左右佩香隨後有二官人張青傘乘轎而來服着皆與前者同而第其徵子有珊瑚青江石鏤金之異品三人次第以入於觀音閣前設錦茵重行而立本寺僧著青巾黑袍在前為導及到佛前又有一僧呼唱三跪九叩頭一僧撞鍾以節之禮畢即出蓋當朔日故於此行望闕禮云望禮行於佛前是何義也殿後又有一殿、中供女菩薩間壁東室奉關帝像間

壁西室塑一醉人長丈餘頽然而卧以右手支頤而睡藉以繡褥
覆以錦被僧言李白醉眠之像見之悚然不可近後人揭衾視之
全体塑成而陽物亦昂然云未知作此何義也其他前後左右之
殿閣大小金像不可殫記仍出門登程行五里過五里橋有山北
峙名曰錦屏云是水滸中石秀所隱之山也亦何可信也又行里
許望見北山聞有丹青之古庙有楊貴妃塑像西對峯又有祿山
庙似以漁陽之故而設此淫祠亦何意也又過里所北望峯巒縹
緲卽盤山也傳云李愿之盤谷而相望十里之間忙未能歷見殊
可歎也望見粉牆隱見於其中即清主之離宮云也又行二十餘
里到邦均店城有遺址但餘虹門城内外人家市肆甚盛殆與薊
城相埒而牌榜多有鋼針之號也八劉姓人家中火後發行七

里許過白碣店有清帝行宮傍有新構大刹云是乾隆太后願堂而女僧居之云又八里曰公樂店一里曰段家嶺人家甚盛而有留養局扁額似間每以冬月留養貧民待春散遣而其有篤疾及年老無依者常留在局州縣皆行此法即乾隆二十三年所設置者可謂仁政足掩其祖漂窮民之惡也又行八里過石碑又行五里到潯沱河水僅容刀謂非先武水渡之潯沱者似是矣到河邊稅輜崑上柳陰厨子進溫麪喫少許軍牢轟索者自行中來迎呈上、使書一行於前月廿九大都安稅而皇帝方在熱河使事有順成之漸云命招舡以渡又行十里八三河縣亦非小去處也今知縣漢人周世法云八陳姓人家止宿是日行七十里初二日晴早發行三十里中火夏店又行四十里宿通州○服藥

進粥早朝難發行五里過素林庄又六里過白浮屠店又六里曰
新店又六里曰皇親店又六里抵夏店東西三百餘步兩頭設門
門内外人家甚盛八左姓人家中火後難發又行六里過馬起乏
店又行八里過烟郊舖人居市廛亦殷盛又五里曰三家庄又五
里曰習家庄又四里即通州江所謂白河也發原於黑龍江北野
京嶺南入于海天下漕運皆泊于此而自此車輪于京也未及河
數里已望見千帆萬檣簇立如束連延數十里及臨河岸大小舸
艦不知幾千隻而船制與我國不同舡頭則平直削上皆畫以魚
龍禽鳥之形舡頭扁以標號舡尾則同我國之制舡皆有板屋而屋
皆有紋窗雕戶或以紗塗之或垂文竹之簾近泊之舡上之人見我行觀者如
堵舡上窗内女人或捲簾或倚窗窺見遠見不知有殊色而皆潔白都

雅絕渠於公路村女舡皆閩浙漕舡古稱吳姬越女者良有以也
使李譯寅德請登舡一覽觀者爭聲應諾撐小舟接岸為梯乃擇
其茅一新舡而登舡之制長可十許丈廣數丈深亦丈餘自舡頭
至舡尾鋪以板而空其中近尾鑿板開一門用梯上下中以石灰
塗之藏米其中而不用橐囊見兩人開板門緣梯而入以斛量米
而上兩人自外受之納于綿布巾袋中線縫其口印著所納色號
于外載納于通州倉及皇城之內道上時逢載米之車初無藁芭
皆用布袋亦非我國之所可及鋪板之上四圍設欄檻以板為
屋凡五六間而每間以板隔之一間之大幾如我國數間舡
頭邊一間女眷居之其外一間婢僕居之舡尾邊一間男人居之
其外一間舡丁居之中間為廚房見男人之居設小卓坐一小金

佛置交椅四座卧床一座皆以文本為之筆硯香炉酒器茶甌棊局等日用什器無不備具而極其精巧舡中主人揖以迎入体只頗肥胖而甚純厚載金徵幌子穿黑絹窄袖對椅而坐使李譯問其居住答云江南杭州人以歲進土方為漕運使姓許名文中今此滿江漕舡皆浙江稅納米豆而俺所領來也問一舡載幾許答曰多則千斛小亦七八百斛到此斛量解納於通州倉或以車載或以小舡分載直納於皇京內倉上納之際有剩則還給舡人有縮則亦徵于舡人舡是官舡槁手以其身役轉運而已初無舡價若準三次漕運則以其舡與之使行私商故槁手輩出死力如已事問若臭載則奈何曰今此諸舡發於去年十月今始來泊水路幾萬餘里而各舡之人其家內眷屬及鷄犬鼎臼並在舡中故如

遇小風則止泊不行初無致敗之慮問貴官家在何處答曰雖是杭浙之人初無定居此便是家耳因煎茶相勸開戶見其廚房用齊楚位置井入而見之鼎內炊飯方熟開蓋視之以稻米做白飯而其色如玉一如我所食盤上設饌物歷觀之肉羹魚炙菜蔬之屬烹飪割切排盛器皿之狀亦恰似我 國有饌婢二人在其內皆年可四五十而甚不麤粗其內眷亦從門窺見問主人內房可得一玩否主人曰有室女始頗難之遂自入藏其處女于床下而出許令入見乃開戶立戶外而見之其妻則立住不隱衣裝頭飾與漢女同年可四十之前而白皙雅潔粧奩針線之具亦列置床卓之上又設一卧床而植四柱垂以羅幃其屋之制男女所居及廚房設門如我國廣西之制全間橫設四隻門扇而門扇皆

以文本雕鏤塗以紗羅屋梁亦以文本為之而刻之花對加以黃
漆真是雕梁文囟江南茅宅之侈麗從可知也還于始坐處主人
以細茶一瓶及烟竹一枝相贈曰聊以表情余以紙扇二柄及清
工三丸答之其人視清心問治症服法李譯一一告之仍與作別
使李譯告之曰官人之歸日若遠則俺等回還時可更相逢否答
曰到此已久自今過旬望則可以盡納稅米納米則當即還不可
更面頗有惆悵之色即還于津舡搖櫓以渡河之廣差大於我
國漢江今行適值漕運之時得一壯觀此則非節使之所能見也
少頃登彼岸行數百步即通州南城門扁曰迎薰城醺之高壯市
間之繁盛又非瀋陽諸處之比也今知州即滿人錫拉布云八楊
姓人家止宿是日行七十里○今行自渡江始向西南而行九連

城以後或向西或向西北自遼東至瀋陽百十餘里向北而東
自瀋陽至孤家子八十餘里向西而北自孤家子至山海關七
百餘里向南而少西自關至燕京六百八十里皆向西南而行





